

摘藻堂四庫全書薈要

集部

欽定四庫全書薈要

集部

御選古文淵鑿卷五

欽定四庫全書薈要

御選古文淵鑒卷五目錄

周



穆王將征犬戎

厲王虐國人謗王

厲王說榮夷公

宣王即位不藉千畝

宣王既喪南國之師

晉文公既定襄王于郊

定王使單襄公聘於宋

穀洛鬪

周景王將鑄大錢

海鳥曰爰居

宣公夏濫於泗淵

公父文伯退朝

仲尼在陳

齊閭丘來盟

桓公自莒反於齊

正月之朝鄉長復事

御選古文淵鑒卷五目錄

欽定四庫全書薈要卷一萬七千一百五十八

集部

御選古文淵鑒卷五

內閣學士兼禮部侍郎教習庶吉士臣徐乾學等奉

旨編注

周

國語

班固藝文志春秋家有國語二十一篇注左丘明著左丘明受經於仲尼作春秋傳復采

錄前世穆王以來邦國成敗嘉言善語以為國語其文不主於經故號曰春秋外傳左傳為內國語為外二書相副凡事詳於內者畧於外備於外者簡於內

穆王將征犬戎周語

穆王將征犬戎

穆王周康王之孫昭王之子穆王滿也征正也上討下之稱犬戎西戎之別名

布令修德不勤兵於遠自是先王撫馭荒服之要道穆王以不享征之棄祖訓矣故先儒謂國語列周國風列王於此見周德之衰

祭公謀父諫曰不可

祭畿內之國周公之後為王卿士謀父字也○祭莊界切

父音甫

先王耀德不觀兵夫兵戢而時動動則威觀則玩

玩則無震是故周文公之頌曰

文公周公旦之諡也頌周頌時邁篇

載載

干戈載橐弓矢我求懿德肆于時夏

夏戶雅切

允王保之先

王之於民也茂正其德而厚其性阜其財求而利其器

用明利害之鄉以文修之使務利而避害懷德而畏威

水心葉適曰祭
公謀父諫征犬
戎自春秋以來
讀之便為迂緩
然穆王時上接
成康兵偃刑措
久矣一旦征行
倉猝暴師於遠
是始禍也其語
如此正合事宜
爾古今遼濶學
者不推其世觀

故能保世以滋大昔我先世后稷以服事虞夏及夏之

衰也棄稷弗務

衰謂啟子太康也廢
稷之官不復務農

我先王不窋用失

其官

失稷官也不
窋棄事子

而自竄於戎翟之間不敢怠業時序

其德纂修其緒修其訓典朝夕恪勤守以惇篤奉以忠

信奕世載德不忝前人至於武王昭前之光明而加之

以慈和事神保民莫不欣喜商王帝辛大惡於民庶民

弗忍欣戴武王以致戎於商牧是先王非務武也勤恤

民隱而除其害也夫先王之制邦內甸服

甸里之內曰
甸甸王田也

之難乎得其要
矣修字尤宜細
看

臣照曰耀德不
觀兵即所謂誕
敷文德也國語
首此篇最有關
係

臣廷敬曰敘五
服典雅深厚版

服服其邦外侯服邦畿之外方五百里之地謂之侯服

見侯衛賓服侯侯圻也衛衛圻也言諸侯之近者歲一來

服常以服貢賓見於王五圻者侯圻甸圻蠻夷要服

圻也夷夷圻也九州之界也戎翟荒服戎翟去王城四

要者要結好信而服從之千里荒裔之甸服者祭祭日侯服者祀祀月賓服者享

地故謂之荒甸服者祭祭日侯服者祀祀月賓服者享

供時要服者貢貢也荒服者王天子也日祭月祀時享

歲貢終王終朝嗣王及先王之訓也有不祭則修意修

責以自有不祀則修言言號有不享則修文文典有不貢

圖之數朝貢之
節略盡之矣古
人立言必詳於
故實如此

則修名

名謂尊卑職貢之名號

有不王則修德序成而有不至則

修刑

序成謂上五者次序也

於是乎有刑不祭伐不祀征不享讓

不貢告不王於是乎有刑罰之辟有攻伐之兵有征討

之備有威讓之令有文告之辭布令陳辭而又不至則

又增修於德無勤民於遠是以近無不聽遠無不服今

自大畢伯仕之終也

大畢伯仕犬戎氏之二君

犬戎氏以其職來王

天子曰予必以不享征之且觀之兵其無乃廢先王之

訓而王幾頓乎

幾危也頓敗也

吾聞夫犬戎樹惇

樹立也言犬戎立性惇樸

能帥舊德而守終純固其有以禦我矣王不聽遂征之得四白狼四白鹿以歸自是荒服者不至

厲王虐國人謗王

厲王虐國人謗王

厲王共王之曾孫夷王之子厲王胡也

召公告王曰民

不堪命矣

召公召康公之後穆公虎也

王怒得衛巫使監謗者

衛巫衛國

之巫也以巫有神靈有謗必知之

以告則殺之國人莫敢言道路以目

不敢發言以目相盼

王喜告召公曰吾能弭謗矣乃不敢言召公

曰是障之也防民之口甚於防川川壅而潰傷人必多

古稱愚者之言聖人擇焉雖遇言謗說亦得以登於軌釋而達之於上者蓋古人容納之廣忠厚之至也

少春穆文熙曰
厲王怒謗固非
使巫監謗尤非
以生殺之權而
寄之於鬼物之
口則將何所不
至哉

臣德宜曰書云
小人怨汝詈汝
則皇自敬德厲
王以監謗為得
計使痛疾不在
厥口而在厥心
則莫可解矣

民亦如之是故為川決之使導為民者宣之使言故天

子聽政使公卿至於列士獻詩

獻詩以風也瞽獻典

曰瞽瞽樂師

史獻書

史外師箴師小師也箴

瞽賦

無眸

典樂典也

史獻書

史也師箴師小師也箴

瞽賦

無眸

瞽賦賦公卿列

瞽誦

誦誦箴諫之語也

百工諫

百工

士所獻詩也

瞽誦

誦誦箴諫之語也

百工諫

百工

以事上者諫者

庶人傳語

庶人卑賤見時得失

近臣盡

近臣盡

執藝事以諫

庶人傳語

庶人卑賤見時得失

近臣盡

近臣盡

規近臣謂驂僕之屬也

親戚補察

補察王以下各有父兄子

王以下各有父兄子

王以下各有父兄子

弟以補

瞽史教誨

瞽樂大師史大史也掌陰陽

者艾修

者艾修

察其過

瞽史教誨

瞽樂大師史大史也掌陰陽

者艾修

者艾修

之者艾師傳也

修修理

理而後王斟酌焉是以事行而不

而後王斟酌焉

是以事行而不

臣乾學曰使正
監謗與建輅設
鐸相反治亂判
然子產秉鈞鄭
國猶知不毀鄉
校能納衆流乃
成河海故聽言
為亟也

悖民之有口也猶土之有山川也財用於是乎出猶其

有原隰衍沃也衣食於是乎生

廣平曰原下濕曰隰下平曰衍有說曰沃○隰

詳立切沃一口之宣言也善敗於是乎興行善而備敗

毒切說音蓋

所以阜財用衣食者也夫民慮之於心而宣之於口成

而行之胡可壅也若壅其口其與能幾何

與辭也能幾何言不久也

王弗聽於是國人莫敢出言三年乃流王於彘

彘晉地漢為彘

縣屬河東

厲王說榮夷公

王者不言有無況
專之乎榮公用而
周敗可為千古嗜
利之戒

水心葉適曰榮
夷公專利在當
時大為異事故
曰王人者專利
而布之上下由
後言之為材臣

厲王說榮夷公

榮國名夷諡也

芮良夫曰

芮良夫周大夫芮伯也○芮如銳切

王

室其將卑乎夫榮公好專利而不知大難夫利百物之

所生也天地之所載也而或專之其害多矣天地百物

皆將取焉胡可專也所怒甚多而不備大難以是教王

王能久乎夫王人者將專利而布之上下者也使神人

百物無不得其極猶日怵惕懼怨之來也故頌曰思文

后稷克配彼天立我烝民莫匪爾極

頌周頌思文篇

大雅曰陳

錫載周

大雅文王篇

是不布利而懼難乎故能載周以至於

今今王學專利其可乎匹夫專利猶謂之盜王而行之
其歸鮮矣榮公若用周必敗既榮公為卿士既已諸侯
不享王流於彘

宣王即位不藉千畝

宣王即位不藉千畝

宣王厲王子名靖藉借也借民力以為之○藉慈夜切

號文

公諫曰

文公文王母弟號仲之後○號古伯切

不可夫民之大事在農上

帝之采盛於是乎出

器實曰采在器曰盛○采音咨盛音成

民之蕃庶於

是乎生事之共給於是乎在和協輯睦於是乎興財用

周禮因井田而制
軍賦故務農講武
相為表裏篇中征
則有慶守則有財
二語正見兵農之
合

蕃殖於是乎始敦龐純固於是乎成敦厚也龐大也是

故稷為大官稷之職為大官古者大史順時視土視音脈陽

痺憤盈土氣震發痺厚也憤積也農祥晨正農祥房星也晨正謂

立春之日晨中於午也農事之候故曰農祥日月底於天廟底至也天廟營室也孟春之月

日月皆在營室底音旨土乃脈發脈理也農書曰春土冒先時九

日先立也大史告稷曰自今至於初吉初吉二月朔日也陽氣

俱烝土膏其動烝升也膏土潤也弗震弗渝脈其滿膏穀乃不

殖震動也渝變也昔災也稷以告王曰史帥陽官以命

臣正治曰民之

大事在農真經

術要語稱引藉

田有源有委先

王遺制猶可考

見一斑左氏誠

淵才也

臣鴻緒曰周家
以農事開基故

我司事

史大史陽官春官司事主農事官也

曰距今九日土其俱動

距去也

王其祗被監農不易

祗敬也祗齊戒祗除也不易祗音拂

王乃

使司徒咸戒公卿百吏庶民

百吏百官也庶民甸師氏所掌之民主耕耨王之藉

田司空除壇於藉命農大夫咸戒農用

農大夫田畯也農用田器也

先時五日瞽告有協風至

瞽樂大師知風聲者協和也

王既齊宮百

官御事各即其齊三日

御治也

王乃淳濯饗醴

淳沃也濯洗也

期鬱人薦鬯

鬱鬱金香草宜以和鬯酒也周禮鬱人掌裸器

犧人薦醴

犧人司尊也掌

共酒醴者

王裸鬯饗醴乃行百吏庶民畢從及藉后稷監之

自天子公卿百吏庶民無不以力田為首務其歌詠誥誡往往見於詩書至宣王時農政漸弛未免視為緩圖此號公所為諄切以陳也

膳夫農正陳藉禮大史贊王王敬從之王耕一墾一墾

之墾也王無耦以一耜耕○墾音銖又音發班三之班次也三之下各三其上也王一墾公三卿九

大夫二庶人終於千畝終盡耕也其后稷省功大史監之司

徒省民大師監之畢宰夫陳饗膳宰監之膳夫贊王王

歆大牢歆饗也班嘗之庶人終食是日也誓帥音官以省

風土音官樂官也風土以音律省土風廩於藉東南鍾而藏之廩御廩一名神

倉東南生長而時布之於農稷則徧戒百姓紀農協功之處鍾聚也

曰陰陽分布震雷出滯土不備墾辟在司寇乃命其旅

臣英曰仰觀晨
正俯察土脈
告協風王乃祇
被尊卑上下莫
敢不震動恪共
於農古人之敬
民事如此

曰徇

徇衆也
徇行也

農師一之農正再之后稷三之司空四之

司徒五之大保六之大師七之大史八之宗伯九之王

則大徇

大徇帥公卿大夫親行農也

耨穫亦如之民用莫不震動恪

共於農修其疆畔日服其鋤不解於時

鋤鉏屬
鋤音博

財用

不乏民用和同是時也王事唯農是務無有求利於其

官以干農功三時務農而一時講武故征則有威守則

有財若是乃能媚於神而和於民矣則享祀時至而布

施優裕也今天子欲修先王之緒而棄其大功置神之

古者治民之官日
與民相習故不料
而知其多少至宣
三時農務漸弛固
師敗而遂有料民
之舉治兵急而治
農之政愈緩矣

祀而困民之財將何以求福用民王弗聽三十九年戰

於千畝王師敗績於姜氏之戎

姜氏之戎西戎之別種四岳之後也

宣王既喪南國之師

宣王既喪南國之師

敗於姜戎氏

乃料民於大原

料數也大原地名

仲山父諫曰

仲山父周之卿士

民不可料也夫古者不料民而

知其少多司民協孤終

司民掌登萬民之數協合也無父曰孤終死也

司商協

名姓

司商掌賜族受姓之官商金聲清謂人始生吹律合之定其姓名

司徒協旅

司徒掌合

師旅

司寇協姦牧協職

牧人掌牧養犧牲合其物色之數

工協革

革更也

制度者合場協入場人掌場圃委積廩協出廩人掌九

其數也

之珍物斂而藏之

穀出用之

數

是則少多死生出入往來者皆可知也於是乎又審

之以事事謂因藉田與民王治農於藉藉藉於千蒐於

狩以簡知其數也

畝田也

秋田曰獮

升也月令孟

秋乃

農隙耨穫亦於藉

言王亦至於

獮於既烝

升也月令孟

升穀狩於畢時冬田曰狩畢

是皆習民數者也又何料

言王不謂其

焉不謂其少而大料之是示少而惡事也

衆少而大料

數之是示以寡少又厭臨政示少諸侯避之治民惡事

惡政事不能修之意也

無以賦令且無故而料民天之所惡也害於政而妨於

西山真德秀曰
以上數篇皆周
宣王以前文章
不見於書而幸
見於國語有志
學古者其深味
之

晉文自以功在王
室侈然自大妄請
天子之禮襄王舉
先王之舊章以折
服之舒婉中倍極
峻厲遂使晉文愧
怍退聽皇哉訓誥
之文

西山真德秀曰
此篇要領在班
先王之大物以
賞私德一語後

後嗣王卒料之及幽王乃廢滅

幽王宣王子
幽王宮涅也

晉文公既定襄王於邲

晉文公既定襄王於邲

邲洛邑王
城之地也

王勞之以地

謂陽樊
温原攢

茅之辭請隧焉

隧王之葬禮闕
地通路曰隧

王勿許曰昔我先王之

有天下也規方千里以為甸服以供上帝山川百神之

祀以備百姓兆民之用以待不庭不虞之患其餘以均

分公侯伯子男使各有寧宇以順及天地無逢其災害

先王豈有賴焉內官不過九御

九御
九嬪

外官不過九品足

云余敢以私勞
變前之大章益
覆說此意也晉
文之定襄王自
以為不世之大
功其請隨也寢
寢乎窺大物之
漸襄王目之曰
私德曰私勞所
以折其驕矜不
遜之意玩其辭
氣若優游而實
峻烈真可為告
諭諸侯之法
臣正治曰請隨
去問鼎一間耳
齊侯不敢貪天
子之命晉文姬

以供給神祇而已豈敢厭縱其耳目心腹以亂百度亦

唯是死生之服物采章以臨長百姓而輕重布之王何

異之有言帝王皆然今天降禍災於周室余一人僅亦守府

府先王之府藏又不佞以勤叔父而班先王之大物以賞私德

其叔父實應且憎以非余一人余一人豈敢有愛也先

民有言曰改玉改行玉佩玉言服其服則行其禮以叔言晉侯尚在臣位不宜有隧也

父若能光裕大德更姓改物以創制天下自顯庸也而

縮取備物以鎮撫百姓縮引也備物隧之屬余一人其流辟於裔

姓而妄觀非分
此亦正與諺之

分篇中多用長

句取勝視左傳

別為一種得天

子告諸侯之體

班史多祖之

臣士奇曰守大

物折強藩信乎

禮之足以存國

而辭命之不可

已也

教棄制戕官犯

皆亡國之政也

以犯令尤甚文中

次自有輕重

土何辭之與有若由是姬姓也尚將列為公侯以復先

王之職大物其未可改也叔父其茂昭明德物將自至

余敢以私勞變前之大章以忝天下其若先王與百姓

何何政令之為也若不然叔父有地而隧焉余安能知

之文公遂不敢請受地而還

定王使單襄公聘於宋

定王使單襄公聘於宋

定王頃王子匡王弟名瑜

遂假

道於陳以聘於楚火朝覲矣道弗可行也

火心星也
覲見也草

穢塞路為弗朝見謂夏正候不在疆候候人也掌送迎賓客者疆境也

十月晨見於辰○弗音拂

司空不視塗

司空卿官掌道路也

澤不陂

陂障也古不

川不梁野

有庾積

庾露積穀也

場功未畢道無列樹

古者列樹以表道且為城守之用

墾田若藝

發田曰墾藝猶蒔也言其稀少

膳宰不致餼

膳宰膳夫也掌賓客之牢禮生

曰司里不授館

司里里宰也掌授客館

國無寄寓

無寄寓者不為廬舍縣無

施舍

四甸為縣施舍者所以施舍賓客負任之處

民將築臺於夏氏

夏氏陳大夫夏

徵舒

及陳陳靈公與孔寧儀行父南冠以如夏氏留賓

弗見

陳靈公舜後共公之子靈公平國也孔寧儀行父陳之二卿南冠楚冠也

單子歸告王

曰陳侯不有大咎國必亡王曰何故對曰夫辰角見而

雨畢

辰角大辰蒼龍之角角星名也見者朝見東方建戌之初寒露節也雨畢者殺氣日盛雨氣盡也

天根見而水涸

天根氐亢之間也謂寒露雨畢之後五日天根朝見水潦盡竭也

本見

而草木節解

本氐也謂寒露之後十日陽氣盡草木之枝節皆理解也

馬見而隕霜

駟天駟房星也謂建戌之中霜始降

火見而清風戒寒

謂霜降之後清風先至所以戒人為

寒備也

故先王之教曰雨畢而除道水涸而成梁草木節

解而備藏隕霜而冬裘具清風至而修城郭宮室故夏令曰九月除道十月成梁其時儆曰收而場功待而畚

臣乾學曰先王
不用財賄而廣
施德於天下讀
幽風月令條理
精密可見三代
盛時大概

臣茨曰敘次故
實與周禮相表
裏足知六典非
偽書其言月令

掘收而場功使人修囷倉也待具也畚土籠也掘畚土之器○待文凡切畚音本掘九玉切營室之

中土功其始定謂之營室謂建亥小雪之中火之初見定星昏正於午土功可以始也

期於司里期會也致其築作之具會於司里之官此先王之所以不用財

賄而廣施德於天下者也今陳國火朝覲矣而道路若

塞野場若棄澤不陂障川無舟梁是廢先王之教也周

制有之曰列樹以表道立鄙食以守路鄙四鄙十里有廬廬有飲食

國有郊牧國外曰郊牧放牧之地畺有寓望畺境也境界之上有

○畺居良○畺居良藪有圃草澤無水曰藪圃大也有茂大之草以備財用○圃有林池

切即疆字

亦先於呂氏矣

林積木池

所以禦災也其餘無非穀土民無縣

入王

積水也

耜柄

野無與草

與深

不奪民時不蔑民功有優無匱有

逸無罷國有班事

班次也執

縣有序民

從事有序

今陳

國道路不可知田在草間

間古

功成而不收民罷於逸

樂是棄先王之法制者也周之秩官有之

秩官周常

曰

敵國賓至關尹以告

關尹司關掌

行理以節逆之

理吏

迎也執瑞節為信而

候人為導卿出郊勞門尹除門

迎之也行理小行人

司門也除門

掃除門庭也

宗祝執祀事宗伯祝大祝也執祀賓將有

臣叔元曰因時
警戒謹蓋歲
築功野無曠土
百工趨事而治

道備矣讀此知
為國不可斯須
去周禮

司里授館

司里授客所當館次於卿也聘禮卿致館

司徒具徒

具徒役修道路之委積

司空視塗

視險易也

司寇詰姦

禁詰姦盜

虞人入材

虞人掌山澤之官祭祀賓

客各供其材

甸人積薪

甸人掌薪蒸之官也

火師監燎

火師司火燎庭燎也

水師

監濯

水師掌水監滌濯之事者

膳宰致餐

執食曰餐

廩人獻餼

生曰餼禾米也

馬陳芻

司馬掌帥圉人養馬故陳芻

玉人展車

展省客車補傷敗也

百官官以

物至賓入如歸是故小大莫不懷愛

小大謂賓介也

其貴國之

賓至則以班加一等益虔至於王使則皆官正滌事

正長

也上卿監之若王巡狩則君親監之今雖朝也不才有

臣杜誦曰有伏
有應有闢鉞有
結束文之以法
勝者

分族於周

分族王之親族也

承王命以為過賓於陳而司事莫

至是蔑先王之官也先王之令有之曰天道賞善而罰

淫故凡我造國無從非彝無即愆淫各守爾典以承天

休今陳侯不念脩續之常棄其伉儷妃嬪伉對也儷偶也而帥

其卿佐以淫於夏氏不亦瀆姓矣乎陳我大姬之後也

大姬周武王之女虞胡公之妃

棄衮冕而南冠以出不亦簡彝乎

彝常也言

其棄禮簡客常服也

是又犯先王之令也昔先王之教蔑帥其德

也猶恐隕越若廢其教而棄其制蔑其官而犯其令將

何以守國居大國之間

大國晉楚

而無此四者其能久乎六

年單子如楚

定王六年魯宣之八年

八年陳侯殺於夏氏

八年魯宣之十

年九年楚子入陳

楚子莊王也

穀洛鬪

靈王二十二年

靈王周簡王之子靈王大心也二十二年魯襄之二十四年

穀洛鬪

將毀王宮

穀洛二水名也鬪者兩水格有似于鬪洛在王城之南穀在王城之北東入于瀍至靈王

時穀水盛出于王城之西而南流合于洛水毀王城西南將及王宮

王欲壅之太子晉諫

曰不可

晉靈王太子也

晉聞古之長民者不墮山

墮毀也

不崇數

大意總在修德行政穀洛自然效順反復數陳極為愷摯

水心葉適曰穀洛鬪將毀宮而壅之由後世而言水敗宮闕隄

防急務不待令而趨也而太子晉諫詞深切前鑒共縣後指幽厲怛然畏禍亂之在前古今異意不亦其學者從是求之亦足深思而遠詆矣孟子論禹行水但以爲無惡於智猶降此語數等當併考

崇高不防川

流曰

不實澤

澤居水也實決也

夫山土之聚也數

物之歸也川氣之導也澤水之鍾也夫天地成而聚於

高歸物於下疏爲川谷以導其氣陂唐汚庫以鍾其美

唐俗作塘

是故聚不弛崩而物有所歸

大曰崩小曰弛○弛直氏切

氣不沈滯而亦不散越是以民生有財用而死有所葬

然則無天昏札瘥之憂而無饑寒匱乏之患故上下能

相固以待不虞古之聖王唯此之慎昔共工棄此道也

共工諸侯炎帝之後姜姓也

虞於湛樂

虞安也湛淫也

淫失其身欲壅防百

川墮高堙庫以害天下

堙塞也高謂山陵庫謂池澤

皇天弗福庶民

弗助禍亂並興共工用滅其在有虞有密伯鯀

密伯鯀國伯鯀也

○密古崇字

播其淫心稱遂共工之過

稱舉也舉遂共工堯之過者謂障洪水

用殛之於羽山

羽山在東海祝其縣南

其後伯禹念前之非度釐

改制量象物天地比類百則儀之於民

儀準也

而度之於

羣生共之從孫四岳佐之

共共工也言共工從孫為四岳之官掌帥諸侯助禹治水

高高下下疏川道滯鍾水豐物封崇九山決汨九川

汨通

臣熙曰高高下下四字括得一部水經體勢疏朗自然駿健

也○汨音骨

陂障九澤豐殖九數汨越九原

越揚也

宅居九隩

隩內也九州之內皆可宅居○隩於六切合通四海故天無伏陰
有伏陰夏地

無散陽散陽李梅冬實水無沈氣沈伏也無伏積之氣火無灾燁燁起貌○燁

音神無間行間行姦神淫厲之屬民無淫心時無逆數逆數四時寒暑反逆

物無害生蝗螟之屬不害嘉穀帥象禹之功度之于軌儀莫非嘉

績克厭帝心厭於涉切皇天嘉之昨以天下昨祿也賜姓曰姒

氏曰有夏謂其能以嘉祉殷富生物也昨四岳國命為

侯伯賜姓曰姜姜四岳之先炎帝之姓也氏曰有呂謂其能為禹股

肱心膂以養物豐民人也此一王四伯豈緊多寵皆亡

臣德宜曰盤庚
避河患徙民作
書三篇皆有震
動惕恭之意靈
王唯務墾川不
思修德故商家
五遷而猶強周
室一東而不振
也

王之後

王謂禹四伯謂四岳也○繫一兮切

唯能釐舉嘉義以有庥在下

守祀不替其典有夏雖衰杞鄫猶在

杞鄫二國夏後也

申呂雖

衰齊許猶在

申呂四岳之後商周之世或封於申齊許其族也

唯有嘉功以命

姓受祀迄於天下及其失之也必有愾淫之心間之故

亡其氏姓踣弊不振

踣僵也○路蒲北切

絕後無主堙替隸圉

隸役

也圉養馬者

夫亡者豈繫無寵皆黃炎之後也

蘇黃帝之後共工炎帝之後

後唯不帥天地之度不順四時之序不度民神之義不

儀生物之則以殄滅無脣至於今不祀及其得之也必

有忠信之心間之度於天地而順於時動穌於民神而
儀於物則故高朗令終顯融昭明命姓受氏而附之以
令名若啟先王之遺訓省其典圖刑法而觀其廢興者
皆可知也其興者必有夏呂之功焉其廢者必有共鯀
之敗焉今吾執政無乃實有所避

也避達

而滑夫二川之

神

滑亂也○
滑古忽切

使至於爭明以妨王宮

明精
氣也

王而飾之無

乃不可乎人有言曰無過亂人之門又曰佐雖者嘗焉

雖烹煎
之官也

佐鬪者傷焉又曰禍不好不能為禍詩曰四牡

騷騷旻旻有翩亂生不夷靡國不泯

大雅桑柔篇

又曰民之

臣鴻緒曰凡水導之則行壅之

則潰太子晉深

明治水之道

貪亂寧為荼毒

桑柔之十一章

夫見亂而不惕所殘必多其飾

彌章民有怨亂猶不可遏而况神乎王將防鬪川以飾

宮是飾亂而佐鬪也其無乃章禍且遇傷乎自我先王

厲宣幽平而貪天禍至於今未弭

弭止也

我又章之懼長

及子孫王室其愈卑乎其若之何自后稷以來寧亂及

文武成康而僅克安民自后稷之始基靖民十五王而

文始平之

十五王謂后稷不窋鞠陶公劉慶節皇僕差弗毀隃公非高圉亞圉公祖大王王季文王

也十八王而康克安之

加武王成王康王并上十五

其難也如是厲

始革典十四王矣

十四王謂厲宣幽平桓莊僖惠襄頊匡定簡靈

基德十五而

始平基禍十五其不濟乎

至景王十五世

吾朝夕儆懼曰其何

德之修而少光王室以逆天休王又章輔禍亂將何以

堪之王無亦鑒於黎苗之王下及夏商之季

黎九黎苗三苗也少

皞氏衰九黎亂德顓頊滅之
高辛氏衰三苗又亂堯誅之

上不象天而下不儀地中

不蘇民而方不順時不共神祇而蔑棄五則

則法也謂象天儀地

和民順時共神也

是以人夷其宗廟而火焚其彝器子孫為隸

臣英曰象天儀地
和民順時為一篇之大旨遠
徵博引上下千古
皆以發明斯義

下夷於民而亦未觀夫前哲令德之則則此五者而受

天之豐福饗民之勲力子孫豐厚令聞不忘是皆天子

之所知也天所崇之子孫或在畎畝由欲亂民也

一耦之發

廣尺深尺為畎畎畝之人或在社稷由欲靖民也無有異

焉詩云殷鑒不遠近在夏后之世

大雅蕩之篇

將焉用飾宮

以徼亂也度之天神則非祥也比之地物則非義也類

之民則則非仁也方之時動則非順也咨之前訓則非

正也觀之詩書與民之憲言皆亡王之為也上下儀之

臣士奇曰大池之氣化帝王之譜系興亡之職迹皆於是篇中可發覆也古人言事精經理數

無所比度王其圖之夫事大不從象小不從文

象天象也文詩

書也上非天刑下非地德

刑法也

中非民則方非時動而作

之者必不節矣作又不節害之道也王卒壅之及景王

多寵人亂於是乎始生

景王周靈王之子太子晉之弟也多寵人謂寵子朝及臣賓孟

之屬也

景王崩王室大亂及定王王室遂卑

定王頃王之子靈王祖父

而言及定王王室遂卑定當為貞貞王名介敬王子也

周景王將鑄大錢

景王二十一年將鑄大錢

景王周靈王之子景王貴也二十一年魯昭之十八年

景王改鑄大錢原以救災備患然不

合民情故單穆公
以為佐災可見王
道在乎因民

西山真德秀曰
單穆公諫鑄大
錢諫鑄無射二
篇俱是名言

單穆公曰不可

穆公王卿士單靖公之曾孫

古者天災降戾於是乎

量資幣權輕重以振救民

量猶度也資財也

民患輕則為之作

重幣以行之

民患幣輕而物貴則作重幣以行其輕也

於是乎有母權子而

行民皆得焉

重曰母輕曰子以子買物物輕則子獨行物重則以母權而行之

若不堪

重則多作輕而行之亦不廢重於是乎有子權母而行

小大利之

子權母者母不足則以子平而行之故錢小大民皆以為利也

今王廢輕而

作重民失其資能無匱乎若匱王用將有所乏乏則將

厚取於民民不給將有遠志是離民也且夫備有未至

臣乾學曰湯旱
禹潦皆鑄幣以
拯民之困患輕
患重權母權子
因時變非規利
也無故廢輕作
重墮民財以自
殖未見其為利
矣

而設之有至而後救之是不相入也

二者先後各有宜不相入不相為用

也可先而不備謂之急可後而先之謂之召災周固羸

國也天未厭禍焉而又離民以佐災無乃不可乎

言周固已

為羸病之國天降禍災未厭已也

將民之與處而離之將災是備禦而

召之則何以經國國無經則何以出令令之不從上之

患也故聖王樹德於民以除之夏書有之曰關石鉢均

王府則有

夏書五子之歌闢門關之征也石今之斛也言征賦調均則王之府藏常有也一曰關衡

也詩亦有之曰瞻彼旱麓榛楮濟濟愷悌君子千祿愷

悌大雅旱麓之篇

夫旱麓之榛楛殖故君子得以易樂干祿焉

若夫山林匱竭林麓散亡藪澤肆既

肆極也既盡也

民力彫盡

田疇荒蕪資用乏匱君子將險哀之不暇而何易樂之

有焉且絕民用以實王府猶塞川原而為潢汚也其竭

也無日矣

大曰潢小曰汚

若民離而財匱災至而備亡王其若

之何吾周官之於灾備也其所怠棄者多矣而又奪之

資以益其灾是去其藏而翳其人也王其圖之

善政藏於民翳

臣岳頌曰鑄大錢又鑄無射民力幾何其堪此也穆公召災一語可為萬世輕變法者戒

猶屏也

王弗聽卒鑄大錢

無名之祀聖王不
錄曲禮曰淫祀無
福則妄祀亦何益
哉此篇可與禮經
相發明

海鳥曰爰居魯語

海鳥曰爰居止於魯東門之外二日

爰居雜縣也

臧文仲使

國人祭之展禽曰越哉臧孫之為政也

越迂也

夫祀國之

大節也而節政之所成也故慎制祀以為國典今無故

而加典非政之宜也夫聖王之制祀也法施於民則祀

之

謂五帝殷契周文也

以死勤事則祀之

殷冥水死周棄山死是也

以勞定國

則祀之

虞幕夏杼殷上甲微周高圉大王也

能禦大災則祀之

夏禹是也

能扞

大患則祀之

殷湯周武是也

非是族也不在祀典昔烈山氏之

子臧劉鳳曰人
孰無過文仲過

而能知知而能
改則亦無害其
為知矣

臣莫曰味柳下
之言古君子無
不博物文仲知
過不知之知也

有天下也

烈山氏炎帝之號也起於烈山

其子曰柱能殖百穀百蔬

柱為

后稷自夏以上祀之草實曰蔬

夏之興也周棄繼之故祀以為稷共工

氏之伯九有也

共工氏伯者在戲農之間有域也

其子曰后土能平九

土故祀以為社黃帝能成命百物以明民共財

黃帝少典之裔

子帝軒轅也命名也

顓頊能修之

顓頊黃帝之孫昌意之子帝高陽也

帝嚳能序三

辰以固民

固安也帝嚳黃帝之曾孫蟠極之子帝高辛也

堯能單均刑法以儀

民

單盡也儀善也舜勤民事而野死

野死謂征有苗死於蒼梧之野

鯀障洪水

而殛死禹能以德修鯀之功契為司徒而民輯冥勤其

臣叔元曰一時
議論後人採入
載記使成典則
春秋列國名卿
問學問往往有
此

官而水死

冥契後六世孫根園之子也夏水官勤於其職而死於水

為湯以寬治民

而除其邪稷勤百穀而山死

稷周棄也勤播百穀死於黑水之山

文王以

文昭武王去民之穢故有虞氏禘黃帝而祖顓頊郊堯

而宗舜夏后氏禘黃帝而祖顓頊郊鯀而宗禹商人禘

舜而祖契郊冥而宗湯周人禘嚳而郊稷祖文王而宗

武王幕能帥顓頊者也有虞氏報焉

幕舜之後虞思也為夏諸侯帥循也

報報德之祭也

杼能帥禹者也夏后氏報焉

杼禹後七世少上康之子季杼也

甲微能帥契者也商人報焉

上甲微契後八世湯之先也

高圉大王

臣杜訥曰臧文仲不能博物又不能斷之以理何可謂智惟能以季子之言為法其虛懷服善猶為過人

能帥稷者也周人報焉

高圉后稷後十世公非之子也大王高圉之曾孫古公亶父也

凡禘郊宗祖報此五者國之典祀也加之以社稷山川

之神皆有功烈於民者也及前哲令德之人所以為民

質也及天之三辰民所以瞻仰也及地之五行所以生

殖也及九州名山川澤所以出財用也非是不在祀典

今海鳥至已不知而祀之以為國典難以為仁且知矣

夫仁者講功而知者處物

處名也

無功而祀之非仁也不

知而不問非知也今茲海其有災乎夫廣川之鳥獸恒

藏畧不如真里革
於側所謂在人
在旁也通篇典麗
謹嚴洵文章極則

知而避其災也是歲也海多大風冬煥

爰居之所避也○煥同煖文

仲聞柳下季之言

柳下展禽之邑季字也

曰信吾過也季子之言

不可不法也使書以為三災

災簡書也三災三卿卿一通謂司馬司徒司空也

宣公夏濫於泗淵

宣公夏濫於泗淵

宣公魯文公子名倭濫漬也漬畧於泗水之淵以取魚也

里革斷

其畧而棄之曰古者大寒降土蟄發

降下也寒氣初下謂季冬建丑之月

大寒後也土蟄發謂孟春建寅之月蟄始震也

水虞於是乎講農畱取名魚登

川禽而嘗之寢廟行諸國人助宣氣也

水虞漁師也掌川澤之禁令講

習也。罾魚網也。留筍也。月令：季冬始漁，乃鳥獸孕，水蟲嘗魚。先薦寢廟。○罾，攻胡切。留，力九切。

成此謂春時獸虞於是乎禁，罝羅罾魚鼈，以為夏槁。獸虞掌

禁令，罝兔罟羅鳥罟也。禁，禁不得施也。罾，撥也。槁，乾也。夏不得取，故於此時撥刺魚鼈，以為夏儲。○罝，音嗟。罾，

側角切。助生阜也。阜，長也。鳥獸方孕，故取魚鼈助生物也。鳥獸成水蟲，孕水

虞於是乎禁，罝羅設罝鄂。罝，當為罝。罝，麗小網也。罝，陷也。鄂，作格，所以誤獸也。謂立

夏鳥獸已成，水蟲懷孕之時，禁魚鼈以實廟庖畜功用也。

且夫山不槎蘖。槎，斫也。以株生曰槎。○澤不伐天。未成

曰魚禁，鯤鰠也。鯤，魚子也。鰠，未成魚也。○鯤，音昆。鰠，音而。獸長麋麋。麋，鹿子曰麋。麋子曰麋。

西山真德秀曰：漢成帝不肯折檻，是亦藏書之意，然忠言不用，此復奚為？

臣熙曰：鳥拙而工字奇而穩與周禮考工記文法相似

○麋音倪 鳥翼殼卵翼成也生哺曰殼未乳曰蟲舍 蜚烏皓切 蜚蜚螳子也可以為醢蜚復陶也可食 蟻舍不取也○蜚陳知切蜚於權切 蟻蟻丘候切卵盧管切 蟲舍蜚

蠅舍不取也○蜚陳知切蜚於權切 蟻蟻丘候切卵盧管切 蟲舍蜚

訓也令魚方別孕不教魚長又行網罟貪無藝也別別於雄

而懷子也藝極也 公聞之曰吾過而里革匡我不亦善乎是良

罟也為我得法使有司藏之使吾無忘諗告也○諗式荏切 師

存侍師樂師存名也 曰藏罟不如寘里革於側之不忘也寘置也○

寘支義切

公父文伯退朝

敬姜勞則思逸則
淫數語可謂見道
之言當與無逸幽
風諸篇同讀

公父文伯退朝朝其母其母方績文伯曰以歎之家而

主猶績

歎文伯名大夫稱主妻亦如之

懼季孫之怒也

季孫康子也位尊又為大

宗其以歎為不能事主乎其母歎曰魯其亡乎使僮子

備官而未之聞邪居吾語女昔聖王之處民也擇瘠土

而處之

境確為瘠

勞其民而用之故長王天下夫民勞則思

思則善心生逸則淫淫則忘善忘善則惡心生沃土之

民不材淫也

沃肥美也不材器能少也

瘠土之民莫不嚮義勞也是

故天子大采朝日與三公九卿祖識地德

禮朝日以春分周禮王搢

應德唐順之曰
其文雖而有體
閨閣中乃有此
識見豈獨家嚴

自君公以下皆
宜伏讀

臣德宜曰邦家
治忽由於勤惰
設讀休其蠶織
識王業之所以
衰敬姜之訓其
子主於服勞戒

大圭執鎮圭藻五采五就以朝日
則大采謂此也祖習也識知也
日中考政與百官之

政事師尹惟旅牧相宣序民事

旅衆士也牧州牧也相
國相也皆百官政事之

所及也師
尹公也

少采夕月與大史司載糾虔天刑

夕月以秋
分糾共也

虔敬也刑法也朝日以五采則夕月其三日入監九御

采也載天文也司天文謂馮相氏保章氏

使潔奉禘郊之粢盛

九御九嬪之官
主粢盛祭服者

而後即安諸侯朝

修天子之業命書考其國職夕省其典刑夜儆百工使

無怙淫而後即安

工官也
怙慢也

卿大夫朝考其職書講其庶

政夕序其業夜庀其家事而後即安

庀治也
庀兩婢切

士朝而

逆其猶有葛覃
卷耳之遺風乎

臣乾學曰古時
周禮王制雖婦
孺無不知者敬
姜為女士師尤
不同也

受業晝而講貫夕而習復夜而計過無憾而後即安自

庶人以下明而動晦而休無日以怠王后親織玄統統

以縣瑱當耳者○統丁感切公侯之夫人加之以紘紝既織統又加

冕曰紘紘纓之無綏者也從下而上不結紝冕上之覆也○紘音宏紝音延卿之內子為大

帶卿之適妻曰內子大帶緇帶也命婦成祭服命婦大夫之妻也列士

之妻加之以朝服列士元士也既成祭服又加之以朝服也自庶士以下皆

衣其夫庶士下士也社而賦事烝而獻功社春分祭社也事農桑之

屬也冬祭曰烝烝而獻五穀布帛之功也男女效績愆則有辟古之制也君

聖人博學多識於此可見

子勞心小人勞力先王之訓也自上以下誰敢淫心舍力令我寡也爾又在下位下位下大夫也朝夕處事猶恐忘先人之業況有怠惰其何以避辟吾冀而朝夕修我曰必無廢先人爾今日胡不自安以是承君之官余懼穆伯之絕祀也仲尼聞之曰弟子志之季氏之婦不淫矣

仲尼在陳

仲尼在陳有隼集於陳侯之庭而死楷矢貫之石砮其長尺有咫隼鷩鳥也今之鷩也楷木名砮鏃也以石為之八寸曰咫○隼荀尹切楷音苦砮音奴又音

勞陳惠公使人以隼如仲尼之館問之

惠公陳哀公之孫悼天子之子

也吳仲尼曰隼之來也遠矣此肅慎氏之矢也

傳曰肅慎燕毫吾北

也土昔武王克商通道於九夷百蠻使各以其方賄來貢

使無忘職業於是肅慎氏貢楛矢石砮其長尺有咫先

王欲昭其令德之致遠也以示後人使永監焉故銘其

楛曰肅慎氏之貢矢

刻曰銘楛箭羽之間也○楛古活切

以分大姬配虞

胡公而封諸陳

大姬武王元女胡公舜後虞遏父之子胡滿也

古者分同姓以

珍玉展親也

展重也玉謂若夏后氏之璜

分異姓以遠方之職貢使

臣廷敬曰奇與具有典則見周先王德化之遠展親之仁可以昭彝章而訓世守未可忽也若

徒以博洽相賞
寧聖人所貴歟

發揮經義其大非
足恭之謂

水心葉適曰義
理有擇而無降
謂陷而入於恭
誠非矣老子於
道德仁義各有
失字

無忘服也故分陳以肅慎氏之貢君若使有司求諸故

府其可得也使求得之金櫝如之

櫝櫝也

齊閭丘來盟

齊閭丘來盟

閭丘齊大夫閭丘明也來盟在魯哀八年

子服景伯戒宰人曰

陷而入於恭

景伯魯大夫子服惠伯之孫昭伯之子子服何也陷猶失過也如有失過寧近於恭

也閔馬父笑景伯問之對曰笑吾子之大滿也

滿滿驕也

昔

正考父校商之名頌十二篇於周大師以那為首

正考父宋

大夫孔子之先也名頌頌之美者也商其輯之亂

輯成也凡

臣鴻緒曰恭乃美德非聲音笑貌可以偽為閔馬父之言醇乎儒者也

作篇章義既成撮其大要以為亂辭曰自古在昔先民曲終乃更變章亂節故謂之亂也

有作溫恭朝夕執事有恪先聖王之傳恭猶不敢專稱

曰自古古曰在昔昔曰先民今吾子之戒吏人曰陷而

入於恭其滿之甚也周恭王能庇昭穆之闕而為恭

庇覆

也恭王周昭王之孫穆王之子也昭王南征而不反穆王欲肆其心皆有闕失言恭王能庇覆之故為恭也

楚恭王能知其過而為恭

恭王楚莊王之子也知其過者有疾召大夫曰若沒請為

靈若厲今吾子之教官寮曰陷而後恭道將何為

桓公自莒反於齊齊語

鮑叔薦管仲於桓
公委寄以齊國之
重卒能顯名諸侯
取威定霸孔子亦
許其功而稱其仁
則鮑叔之推賢桓
公之信任皆彰彰
於後世矣

少春穆文熙曰
鮑叔薦管仲自
以為弗及至欲
辭其位以讓之
何其懇也然管
仲用而鮑叔之
賢益彰古人之
以善相成如此

桓公自莒反於齊

桓公齊大公之後僖公之子襄公之弟小白也襄公立其政無常鮑叔牙

奉小白出奔莒公孫無知殺襄公而立管夷吾召忽奉

公子糾奔魯齊人殺無知魯莊公伐齊納子糾桓公自

莒先

使鮑叔為宰

鮑叔齊大夫叔牙也宰大宰也

辭曰臣君之庸臣也

君加惠於臣使不凍餒則是君之賜也若必治國家者

則非臣之所能也若必治國家者則管夷吾乎

管夷吾齊卿姬

姓之後管莊仲之子敬仲也

臣之所不若夷吾者五寬惠柔民弗若

也治國家不失其柄弗若也忠信可結於百姓弗若也

制禮義可法於四方弗若也執枹鼓立於軍門使百姓

臣正治曰山高
牧民之害雖多
雖霸然一匡九
合其才亦不可
泯鮑叔薦賢不
嫌自抑齊之興
叔牙力也

加勇焉弗若也

軍門若今牙門○鮑音孚

桓公曰夫管夷吾射寡人

中鉤是以濱於死

濱近也管仲臣於子糾乾時之戰親射桓公中鉤

鮑叔對曰

夫為其君動也君若宥而反之夫猶是也桓公曰若何

若何得還也

鮑子對曰請諸魯桓公曰施伯魯君之謀臣也

施伯魯大夫惠公之孫施父之子

夫知吾將用之必不予我矣若之何

鮑子對曰使人請諸魯曰寡君有不令之臣在君之國

欲以戮於羣臣故請之則予我矣桓公使請諸魯如鮑

叔之言莊公以問施伯施伯對曰此非欲戮之也欲用

其政也夫管子天下之才也所在之國則必得志於天

下令彼在齊則必長為魯國憂矣莊公曰若何施伯對

曰殺而以其屍授之莊公將殺管仲齊使者請曰寡君

欲親以為戮若不得以戮於羣臣猶未得請也請生

之於是莊公使束縛以予齊使齊使受而以退比至三

轡三浴之

以香塗身曰轡

桓公親逆之於郊

逆迎也

而與之坐問

焉曰昔吾先君襄公築臺以為高位田狩畢弋

畢掩雉兔之網

也弋綴射也

不聽國政卑聖侮士而惟女是崇九妃六嬪陳

妾數百食必梁肉衣必文繡戎士凍餒戎車待游車之
裂戎士待陳妾之餘優笑在前賢材在後是以國家不
日引不月長恐宗廟之不掃除社稷之不血食敢問為
此若何管子對曰昔吾先王昭王穆王世法文武遠績
以成名合羣容比較民之有道者容老也設象以為民紀
設象設教象之法於象魏也式權以相應式用也權平也比綴以度比比其衆寡綴
連也連其夫家也度法也躡本肇末躡等也肇正也勸之以賞賜糾
之以刑罰班序顛毛以為民紀統顛頂也毛髮也次列頂髮之白黑使長幼

水心葉通曰管仲相齊本末粗備後世言治功者皆祖述之

有桓公曰為之若何管子對曰昔者聖王之治天下也

參其國而伍其鄙

參三也國郊以內也鄙郊以外也謂三分國都以為三軍五分其鄙以為

五屬也定民之居成民之事

謂使四民各居其職所也陵為之終葬也

而慎用其六柄焉

六柄生殺貧富貴賤也

桓公曰成民之事若何

管子對曰四民者勿使雜處

四民謂士農工商也

雜處則其言

其事易

唯亂貌易變易也○唯末江切

公曰處士農工商若何管子對

曰昔聖王之處士也使就閒燕處工就官府處商就市

井處農就田野令夫士羣萃而州處

萃集也州聚也

閒燕則父

與父言義子與子言孝其事君者言敬其幼者言悌少

而習焉其心安焉不見異物而遷焉是故其父兄之教

不肅而成其子弟之學不勞而能夫是故士之子恒為

士令夫工羣萃而州處審其四時言四時各有宜辨其功苦功

也苦權節其用節節其大論比協材論擇也比比其善

脆也旦莫從事施於四方施其物用於四方也以飭其子弟相語

以事相示以巧相陳以功少而習焉其心安焉不見異

物而遷焉是故其父兄之教不肅而成其子弟之學不

臣乾學曰五伯桓公為盛管仲亦伯佐稱首其胸中確有成謀即其初對桓公以片時議論即定終身功業謂之天下才豈虛語哉

勞而能夫是故工之子恒為工令夫商羣萃而州處察

其四時

四時所用者豫資之也

而監其鄉之資

視其貴賤有無

以知其市

之賈負任僭何

背曰負肩曰僭任抱也何揭也○僭丁炎切何合可切

服牛輅馬

服牛車也輅馬車也

以周四方以其所有易其所無市賤鬻貴旦

莫從事於此以飭其子弟相語以利相示以賴

賴贏也

相

陳以知賈少而習焉其心安焉不見異物而遷焉是故

其父兄之教不肅而成其子弟之學不勞而能夫是故

商之子恒為商令夫農羣萃而州處察其四時

四時樹藝各有

臣熒曰定民居
成民事已變比
閭族黨之遺與
先王貴士重農
抑末之意異矣
管子主於富強
為此整齊簡直
之法是速得志
之術也

宜權節其用耒耜枷芟

權平也平節其器用小大倨句之宜也枷拂也所以擊草也芟

大鎌所以芟草也○

及寒擊菓除田

寒謂季冬大寒之時也菓枯草也○

菓古老切

以待時耕

時耕謂立春之後

及耕深耕而疾耰之以

待時雨

耰摩平也

時雨既至挾其耒耜刈耨鋤

耒耜也刈鎌也耨鋤也

也○耒

以旦莫從事於田野脫衣就功首戴茅蒲身衣

襪襪

茅蒲登笠也襪襪菜薜衣也○襪本末切襪始亦切

霑體塗足暴其髮膚盡

其四支之敏以從事於田野少而習焉其心安焉不見

異物而遷焉是故其父兄之教不肅而成其子弟之學

臣英曰管子以
曠世之才專東
海之國整齊其
民人而參伍其
都鄙功成治定
皆不出其立談
時所陳所謂規
模先定而後從
事者也

不勞而能夫是故農之子恒為農野處而不暱

暱近也

其

秀民之能為士者必足賴也有司見而不以告其罪五

有司掌民之官也

有司已於事而竣

已畢也竣伏退也

桓公曰定民之

居若何管子對曰制國以為二十一鄉

國國都城郭之域也惟士工商

而已農

桓公曰善管子於是制國以為二十一鄉

二千

一鄉二十一鄉凡四萬二千

工商之鄉六

工商各三也二者不從戎

役士鄉十五

此士軍士也十五鄉合三萬人是為三軍農野處而不暱不在都邑之數則下所云

伍鄙是也

公帥五鄉焉

五鄉萬人是為中軍公所將也

國子帥五鄉焉高子

臣士奇曰變周官比閭族黨州鄉與伍兩卒旅師軍之制而以簡直連得志為主周制繁曲所以為不可敗管子簡直所以為必勝此王霸之分

帥五鄉焉

國子高子皆齊上卿各帥五鄉為左右軍也

參國起案以為三官

參三也案界也

分臣立三宰

三宰三卿也

工立三族

族屬也上言工

國事以為三也

也

臣立三宰

三宰三卿也

工立三族

族屬也上言工

商之鄉六

市立三鄉

市商也

澤立三虞

周禮有澤虞之官

山立三

衡周禮有山虞林衡之官

桓公曰吾欲從事於諸侯其可乎管子

對曰未可國未安桓公曰安國若何管子對曰修舊法

擇其善者而業用之

業猶創也

遂滋民與無財

遂育也滋長也貧無財者

振業之也

而敬百姓則國安矣桓公曰諾遂修舊法擇其善

者而業用之遂滋民與無財而敬百姓國既安矣桓公

仁山金履祥曰
管子書稱齊使
鮑叔傅小白不
出而管仲勉之
鮑叔乃出謂管
仲之期待小白

曰國安矣其可乎管子對曰未可君若正卒伍修甲兵

周禮五人為伍百人為卒令管子則大國亦將正卒伍

修甲兵則難以速得志矣君有攻伐之器小國諸侯有

守禦之備則難以速得志矣君若欲速得志於天下諸

侯則事可以隱令可以寄政

事戎事也隱匿也寄託也
匿軍令託於國政若有征

伐鄰國桓公曰為之若何管子對曰作內政而寄軍令

焉內政國政也因治
政以寄軍令也

桓公曰善管子於是制國五家為

軌軌為之長

軌中一人
為之長也

十軌為里里有司四里為連連

已久今取其內
政諸說以見王
制之變霸業之
本

臣杜訥曰胸有
成竹矢口而譚
見之當時則赫
赫霸業無之後
世則煌煌巨篇
真濟世才也

為之長十連為鄉鄉有良人焉

良人鄉大夫也

以為軍令

為軍掌令

五家為軌故五人為伍軌長帥之十軌為里故五十人

為小戎里有司帥之

小戎兵車也此有司之所乘故曰小戎古者戎車一乘步卒七十二

人今齊四十里為連故二百人為卒連長帥之十連為鄉

故二千人為旅鄉良人帥之五鄉一帥故萬人為一軍

五鄉之帥帥之

五鄉每一軍為五鄉也鄉帥卿也萬人為軍齊制也周則萬二千五百人為軍

帥長也

三軍故有中軍之鼓有國子之鼓有高子之鼓春

以狻振旅

狻色牛切

秋以獮治兵

獮蘇典切

是故卒伍整於里軍

水心葉適曰齊國之大何止三萬人為兵田單亦言帝王之兵不過三萬

旅整於郊內教既成令勿使遷徙伍之人祭祀同福死喪同恤禍灾共之人與人相疇家與家相疇疇匹也世同居少同遊故夜戰聲相聞足以不乖晝戰目相視足以相識其歡欣足以相死居同樂行同和死同哀是故守則同固戰則同彊君有此士也三萬人以方行於天下方猶橫也以誅無道以屏周室屏猶蕃也。屏卑郢切。天下大國之君莫之能禦也

正月之朝鄉長復事

規畫明整治國如
治家誠伯佐才也

水心葉適曰使
鄉長舉善刑姦
退而自修自古
未嘗不如此何
必管仲也其說
草略急疾若以
為上下簡直易
通則鄉大夫賓
興之法與民何
嘗拘碍而管仲

正月之朝鄉長復事

鄉長鄉大夫也復白也

君親問焉曰於子之

鄉有居處好學慈孝於父母聰慧質仁發聞於鄉里者

有則以告有而不以告謂之蔽明其罪五有司已於事

而竣桓公又問焉曰於子之鄉有拳勇股肱之力秀出

於衆者有則以告有而不以告謂之蔽賢其罪五有司

已於事而竣桓公又問焉曰於子之鄉有不慈孝於父

母不長弟於鄉里驕躁淫暴不用上令者有則以告有

而不以告謂之下比

比阿黨也

其罪五有司已於事而竣是

輕變之也以為
修廢則非舊典
以為作新則異
用紛更嘗仲通
達治體固不如
此但其智不足
以盡行王道故
有殘缺苟且之
患而張其說者
方以為新奇陋
矣

故鄉長退而修德進賢桓公親見之遂使役官也桓

公令官長期而書伐期期年也以告且選選其官之賢

者而復用之復白也曰有人居我官有功休德惟慎端慤

以待時使民待時動不違時也以勸綏謗言足以補官之不善

政桓公召而與之語訾相其質訾量也相視也足以比

成事比輔也誠可立而授之言可以立為大設之以國家

之患而不疚退問其鄉以觀其所能而無大厲升以為

上卿之贊贊輔也謂之三選三選謂鄉長所進官長所選公所訾相也國子高

子退而修鄉鄉退而修連連退而修里里退而修軌軌

退而修伍伍退而修家是故匹夫有善可得而舉也匹

夫有不善可得而誅也政既成鄉不越長鄉里以齒長幼不相踰也

朝不越爵賢不肖之爵不相越也罷士無伍無行曰罷無伍無與為伍也罷女

無家夫稱家也夫是故民皆勉於善與其為善於鄉也不如

為善於里與其為善於里也不如為善於家是故士莫

敢言一朝之便皆有終歲之計莫敢以終歲之議皆有

終身之功桓公曰伍鄙若何管子上言參其國而伍其鄙內政既備故復問伍鄙

臣德宜曰周官鄉舉里選王制移郊移遂始本至公厥後人心不古不無下比上蒙而是非失實者此桓公之親問親見所以

行修而政舉也

臣叔元曰使民為善於家即親親長長而天下平也管仲治國多參用古法異於商鞅者以此

臣岳頌曰數親問數親見數與語是磨勵一世大權而復鄉舉

之事管子對曰相地而衰征則民不移相視也衰差也視土地之美惡及所

生也○衰初追切政不旅舊則民不偷舊君之故舊也

為師旅則民相山澤各致其時則民不苛時謂虞衡之官禁令各順

其時則民之陸阜陵瑾井田疇均則民不憾高平曰陸心不苛得也

大阜曰陵瑾溝上之道也九夫為井井間有溝穀地曰田麻地曰疇○瑾其各切無奪民時則

百姓富犧牲不略則牛羊遂略奪也桓公曰定民之居

若何管子對曰制鄙三十家為邑邑有司制野鄙之政也此以下與

郊內之十邑為卒卒有卒帥十卒為鄉鄉有鄉帥三鄉政異也

里選之法治猶
近古惜用意未
純故終為霸首

為縣縣有縣帥十縣為屬屬有大夫五屬故立五大夫

各使治一屬焉

五屬四十萬家

立五正

正長也

各使聽一屬焉

是故正之政聽屬

正五正也聽大夫之治也

牧政聽縣

牧五屬大夫也聽縣帥之


治下政聽鄉

下政縣帥也聽鄉帥之治

桓公曰各保治爾所無或淫

怠而不聽治者

御選古文淵鑒卷五



總校官庶吉士臣張能照

校對官助教臣汪錫魁

謄錄監生臣沈浩

欽定四庫全書薈要

集部

御選古文淵鑒卷六

七

欽定四庫全書薈要

御選古文淵鑒卷六目錄

周



語

桓公欲從事於諸侯

文公問于胥臣

叔向見韓宣子

莊王使士亹傳太子蒧

靈王為章華之臺

左史倚相廷見申公子亹

靈王虐白公子張驟諫

鬬且廷見令尹子常

王孫圉聘于晉

吳王夫差起師伐越

吳王夫差告諸大夫

吳王還自伐齊

吳王夫差還自黃池

越王句踐即位三年而欲伐吳

御選古文淵鑒卷六目錄

欽定四庫全書薈要卷一萬七千一百五十九

集部

御選古文淵鑒卷六

內閣學士兼禮部侍郎教習庶吉士

臣徐乾學等奉

旨編注

周

國語

桓公欲從事於諸侯

桓公曰吾欲從事於諸侯其可乎管子對曰未可鄰國

輔教伯功幾同王道但其親睦諸侯

全是以謀以力王
伯之所由分也至
文之簡鍊典重洵
是史漢紀傳之祖

未吾親也君若欲從事於天下諸侯則親鄰國桓公曰

若何管子對曰審吾疆場而反其侵地

侵地齊所侵取鄰國之地

正

其封疆無受其資

積土為封資資財也

而重為之皮幣以驟聘覲

於諸侯

覲視也○重直隴切覲通弔切

以安四鄰則四鄰之國親我矣

為游士八十人奉之以車馬衣裘多其資幣使周游於

四方以號召天下之賢士皮幣玩好使人鬻之四方以

監其上下之所好擇其淫亂者而先征之桓公問曰夫

軍令則寄諸內政矣齊國寡甲兵為之若何管子對曰

臣熙曰語語霸國經濟筆力精悍確是先秦以上文字

輕過而移之甲兵

謂輕其過使以甲兵贖罪

桓公曰為之若何管子

對曰制重罪贖以犀甲一戟

重罪死刑也犀犀皮也犀甲一戟車戟也

輕

罪贖以韜盾一戟

輕罪劓刖之屬也韜盾綴革有文如績也○韜求位切盾神允切

小

罪適以金分

小罪不入於五刑者以金贖有分兩之差○分符問切

宥閒罪

宥赦也閒

罪刑罰之疑者

索訟者三禁而不可上下坐成以束矢

索求也求訟者之情也三禁禁之三日使審實其辭也而不可上下者辭定不可移也坐成訟獄之坐已成也十二矢為束則訟者坐成以束矢入於朝乃聽其訟○索所白切

美金以鑄劍戟試諸

狗馬惡金以鑄鉏夷斤櫛

夷平也所以削草平地斤形如鉏而小櫛斫也○櫛丁錄

切試諸壤土甲兵大足桓公曰吾欲南伐何主

主主人供軍用

也管子對曰以魯為主反其侵地堂潛

堂潛魯二邑也

使海於

有蔽渠弭於有渚

有蔽言可依蔽也渠弭裨海也水中可居者曰渚

環山於有

牢

環繞也牢牛羊豕也

桓公曰吾欲西伐何主管子對曰以衛為

主反其侵地臺原姑與漆里

衛之四邑

使海於有蔽渠弭於

有渚環山於有牢桓公曰吾欲北伐何主管子對曰以

燕為主

燕漁陽薊縣

反其侵地柴夫吠狗

燕之二邑

使海於有蔽

渠弭於有渚環山於有牢四鄰大親既反侵地正封疆

臣正治曰詳敘桓公與管仲定

謀正如鄧侯漢
中諸葛隆中數
語古來君臣遇
合之際大抵如
此

地南至於餉陰

餉陰地名齊南界也○餉音陶

西至於濟北至於河東

至於紀鄆

紀故紀侯之國鄆紀季之邑以入於齊者○鄆戶圭切

有革車八百乘

齊法五十人為小戎車八百乘有四萬人

擇天下之甚淫亂者而先征之即

位數年東南多有淫亂者萊莒徐夷吳越

萊東萊莒琅邪縣徐夷徐

州之夷也

一戰帥服三十一國遂南征伐楚濟汝踰方城望

汶山

汶水名方城楚北之阮塞也汶山楚山也

使貢絲於周而反荊州諸侯

莫不來服遂北伐山戎

山戎鮮卑

荆令支斬孤竹而南歸

二國

山戎之與也刺擊也斬伐也令支縣屬遼西孤竹之城存焉○刺音拂

海濱諸侯莫不來

服與諸侯飾牲為載以約誓於上下庶神

飾牲陳其牲為載書加於

牲上而已不歃血也

與諸侯戮力同心西征攘白翟之地

攘卻也白翟赤

翟之別種

至於西河

西河白翟之西

方舟設汭乘桴濟河

方併也編木曰汭小

汭曰桴。汭音孚。

至於石抗

石抗晉地名

縣車束馬踰大行與辟耳

之谿拘夏

大行辟耳山名拘夏辟耳之谿也三者皆山險谿谷故縣鈞其車偪束其馬而以度也

西服汭沙西吳

汭沙西吳雒州之地。汭古流字。

南城周

周襄王庶弟子帶作亂伐

襄王桓公使仲孫湫徵諸侯戌周而城之事在魯僖十三年

反胙於絳

謂天子致祭胙賓以大路

龍旂桓公於絳辭之絳晉國都也

嶽濱諸侯莫不來服

嶽北嶽常山也

而大朝

仁山金履祥曰
按宰孔之命國
語史記皆有弓
矢車服九疏之
賜皇極經世書
賜命為伯此內
傳所謂加賜一
級者與宰孔

諸侯於陽穀

陽穀之會在魯僖三年

兵車之屬六乘車之會三

亦屬

會也兵車之會謂魯莊十三年會于北杏十四年會于
鄆十五年復會于鄆魯僖元年會于榘十三年會于鹹

十六年會于淮也乘車之會在僖三年會于
陽穀五年會于首止九年會于葵丘凡九也諸侯甲不

解纍

纍所以盛甲也○纍力追切

兵不解翳

翳所以蔽兵也○翳於計切

發無弓

服無矢

發弓衣服矢服隱武事行文道帥諸侯而朝天也○發吐刀切

子葵丘之會天子使宰孔致胙於桓公

天子周襄王也宰孔宰周公也

曰余一人之命有事於文武使孔致胙且有後命曰以

爾自卑勞實謂爾伯舅無下拜

天子稱五官之伯異姓曰伯舅

桓公名

初命但以賜昨
為辭蓋以宗廟
為重也孔子朋
友之饋雖車馬
非祭肉不拜古
人禮意所重如
此

臣德宜曰聖門
不言霸功然一
匡九合孔子嘗
亟稱之矣此傳
鋪張揚厲當日
定伯雄圖赫赫
如觀其有匪風
下泉之思歟

管子而謀管子對曰為君不君為臣不臣亂之本也桓

公懼出見客曰天威不遠顔咫尺小白余敢承天子之

命曰爾無下拜恐隕越於下以為天子羞遂下拜升受

命賞服大路龍旂九旒渠門赤旂

大路諸侯朝服之車
謂金路渠門亦旂名

赤旂大旂也

諸侯稱順焉

言下拜順
於禮也

桓公憂天下諸侯魯有

夫人慶父之亂

夫人魯莊夫人哀姜也慶父莊公之弟
共仲也通於哀姜莊公薨慶父殺太子

般在莊三十二年

二君殺死國絕無嗣桓公聞之使高子存之

高子齊卿高傒敬仲也存
之謂立僖公而存魯也

翟人攻邢桓公築夷儀以封

之

邢姬姓周公之後也夷儀邢邑也翟人攻邢在莊三十二年封而遷之在魯僖元年男女不淫

牛馬選具

淫見淫畧也選數也

翟人攻衛衛人出廬於曹

廬寄也翟人攻

衛殺懿公

遂入衛衛人出走立桓公城楚丘以封之

楚丘

公孫申

以寄于曹在魯閔二年

桓公城楚丘以封之

楚丘

衛地事在

其畜散而無育桓公與之繫馬三百

繫馬良馬在閔

魯僖二年

非放牧者也

天下諸侯稱仁焉於是天下諸侯知桓公之為

已動也是故諸侯歸之譬若市人桓公知諸侯之歸已

也故使輕其幣而重其禮故天下諸侯罷馬以為幣

罷

任用縷纂以為奉

奉藉也所以藉王之藻也縷纂以縷織纂不用絲取易共也纂織文也

鹿皮四个

也个枚

諸侯之使垂橐而入

垂言空而來也橐發也○橐古刀切

相載而歸

相苦本切

故拘之以利結之以信示之以武故天

下小國諸侯既許桓公

許謂聽其盟約

莫之敢背就其利而信

其仁畏其武桓公知天下諸侯多與已也故又大施忠

焉可為動者為之動可為謀者為之謀軍譚遂而不有

也諸侯稱寬焉

軍謂以軍滅之也不有以分諸侯也在魯莊十年及十三年

通齊國

之魚鹽於東萊

東萊齊東萊夷也

使關市幾而不征

幾幾異服識異言也

取魚鹽者

以為諸侯利諸侯稱廣焉築葵茲晏負夏領

臣廷敬曰內政作而國本立然後飾以仁義尊周恤鄰而天下

歸心非區區旦
夕之效也故論
霸者以齊桓為
首

釜丘

四者皆扼塞與
山戎衆翟接者

以禦戎翟之地所以禁暴於諸侯

也築五鹿中牟蓋與牡丘

四塞諸夏
之關也

以衛諸夏之地所

以示權於中國也教大成定三革隱五刃

定莫也隱藏
也三革甲冑

盾也五刃力
劍矛戟矢也

朝服以濟河而無怵惕焉

濟河西行度
河以平晉也文

事勝矣是故大國慙愧小國附協唯能用管夷吾甯戚

隰朋賓胥無鮑叔牙之屬而伯功立

五子皆齊卿大夫
隰朋齊莊公之曾

孫戴仲之
子成子也

文公問于胥臣 晉語

有聖質然後有聖
學詩曰追琢其章
金玉其相皆質與
學相須之義

水心葉適曰晉
之興司空季子
博習陽處父為
國人所敬其後

文公問于胥臣曰吾欲使陽處父傳謹也而教誨之其

能善之乎

謹文公子

對曰是在謹也

謹

僂人不可使僂

戚施不可使仰

戚施僂人不可使仰

使舉

僂僂長三尺不可使舉重

侏儒不可使援

侏儒短

使抗援

矇矇不可使視

有眸子曰矇

矇矇不可使言

口不道忠信之言為嚚瘖不能

聾聵不可使聽

耳不別

和曰聾生

僂昏不可使謀質將善而賢良贊之則濟可

矣也若有違質教將不入其何善之為臣聞昔者大任

伯宗似之

娠文王不變

不變不變動也

少溶于豕牢而得文王不加病焉

少小也溶便也豕牢廁也○溶音騷

文王在母不憂

不變故不憂也

在傳弗勤處

師弗煩事王不怒敬友二號

號文王弟號仲號叔也

而惠慈二蔡

二蔡文王子管叔初亦為蔡

刑于大妣

刑法也大妣文王妃

比於諸弟

比親也諸弟同

宗之弟

詩云刑于寡妻至于兄弟以御于家邦

大雅思齊篇

于

是乎用四方之賢良及其即位也詢于八虞

八虞周八士皆在虞

官而咨于二號度于闕天而謀于南宮

皆周賢臣度亦謀也南宮南宮

適諏于蔡原而訪于辛尹

蔡公原公辛甲尹佚

重之以周召畢榮

臣鴻緒曰質雖上智不可廢學

故禹湯文武孔子之聖未嘗無師況儲君乎慎簡保傳自是豫教之本

周文公召康億寧百神

億安也

而柔和萬民故詩曰惠于

公畢公榮公

宗公神罔時恫

亦思齊篇

是則文王非專教誨之力也公曰

然則教無益乎對曰胡為文益其質故人生而學非學

不入公曰奈夫八疾何對曰官師之所材也

師長也材古裁字

戚施直鈔

直主擊鈔鐘也

蘧蔭蒙璆

蒙戴也璆玉磬也蔭巨

牛侏儒扶盧

扶緣也盧矛戟之秘緣之以為戲

矇矇修聲

無目于音聲審故使修之

聾聵司火

耳無聞于視則審故使主火

僮昏嚚瘖僂官師所不材

也以實喬土夫教者因體能質而利之者也

能才

若川

大夫憂貧寧獨身
之災殃將及國故
治世首禁官邪

水心集適曰人
材隨世盛衰音

然有原以印浦而後大

印迎也言川有原因開利迎之
以浦然後大也○印牛嫁切

叔向見韓宣子

叔向見韓宣子宣子憂貧叔向賀之宣子曰吾有卿之

名而無其實無以從二三子

從隨也隨其
聘贈之屬

吾是以憂子

賀我何故對曰昔欒武子無一卒之田

上大夫一卒之
田欒書為晉上

卿而反

其官不備其宗器

宗宗官
器祭器

宣其德行順其憲則

使越於諸侯

越發
聞也

諸侯親之戎狄懷之以正晉國行刑

不疚以免於難及桓子驕泰奢侈貪欲無藝畧則行志

暮年盡入強家
雖叔向之賢猶
不得盡為公臣
如董安于閭沒
叔寬之流固不
足道也家臣自
是一種氣象

臣英曰子產有
言人臣非無賄
之患而無令名
之難叔向以賈
為宣子賀識虧
盈蓋謙之理矣

畧犯也
則法也

假貸居賄

居蓄也

宜及於難而賴武之德以沒其

身及懷子改桓之行而修武之德可以免於難而離桓

之罪以亡於楚

亡奔也

夫卻昭子

昭子卻至也

其富半公室其

家半三軍恃其富寵以泰于國其身尸于朝其宗滅于

絳不然夫八郤五大夫三卿

三卿郤錡郤至郤犇又有五人為大夫

其寵

大矣一朝而滅莫之哀也唯無德也今吾子有樂武子

之貧吾以為能其德矣是以賀若不憂德之不建而患

貨之不足將弔不暇何賀之有宣子拜稽首焉曰起也

楚莊伯者猶鄭重
國本甚矣豫教之
宜備

將亡賴子存之非起也敢專承之其自桓叔以下嘉吾

子之賜

桓叔韓氏之祖曲沃桓叔也桓叔生子萬受韓以為大夫是為韓萬

莊王使士亹傳太子蒍

楚語

莊王使士亹傳太子蒍

莊王楚成王之孫穆王之子蒍也蒍恭王名○亹忘倖切蒍之

林切辭曰臣不材無能益焉王曰賴子之善善之也對曰

夫善在太子太子欲善善人將至若不欲善善則不用

故堯有丹朱舜有商均啟有五觀

五觀啟子大康昆弟也觀洛汭之地書序

曰大康失國昆弟五人須于洛汭傳曰夏有觀扈

湯有大甲文王有管蔡是五

王者皆元德也而有姦子夫豈不欲其善不能故也若

民煩可教訓

煩亂也

蠻夷戎翟其不賓也久矣中國所不

能用也王卒使傳之問于申叔時

叔時楚賢大夫申公也

叔時曰

教之春秋而為之聳善而抑惡焉以戒勸其心

以天時紀人事

謂之春秋

教之世而為之昭明德而廢幽昏焉

世先王之世繫也

以

休懼其動

休嘉也動行也

教之詩而為之道廣顯德以耀明其

志

道開也

教之禮使知上下之則教之樂以疏其穢而鎮

其浮教之令使訪物官

令先王之官法時令也訪議也物事也使議知百官之事業

少春穆文熙曰
據士彙之論則
人之善惡已定
不必用教乃舉
丹朱商均諸惡
以例之此見噓
廢食之論不可
為訓

臣熙曰文凡三
疊只是一意氣
力深厚不覺其
繁

教之語使明其德而知先王之務用明德於民也

語治國之

善教之故志使知廢興者而戒懼焉

故志謂所記前世成敗之書

教

之訓典使知族類行比義焉

訓典五帝之書也族類謂若惇敘九族比義義之與

比若是而不從動而不悛則文詠物以行之

文文詞也詠風也謂

以文詞風托事物以動行之

求賢良以翼之悛而不攝則身勤之

攝

也勤勤身以勗勉也

多訓典刑以納之務慎惇篤以固之攝而不

徹

徹通也

則明施舍以道之忠

施己所欲原心舍過謂之忠恕

明久長以

道之信明度量以道之義明等級以道之禮明恭儉以

道之孝明敬戒以道之事明慈愛以道之仁明昭利以

道之文

昭明也明利言利人及物

明除害以道之武明精意以道之

罰

明盡精意斷之以情

明正德以道之賞

正德謂不明齊肅以耀私所愛也

明齊肅以耀

之臨如是而不濟不可為也且夫誦詩以輔相之威儀

以先後之體貌以左右之明行以宣翼之制節義以動

行之恭敬以臨監之勤勉以勸之孝順以納之忠信以

發之德音以揚之教備而不從者非人也其可興乎夫

子踐位則退

夫子大子退謙退也

自退則敬不則報

穀論春容博太如
聆黃鐘大呂穆熊
清廟之音

靈王為章華之臺

靈王為章華之臺

靈王楚恭王之庶子熊虔也章華地名

與伍舉升馬曰

臺美夫

伍舉湫舉也湫邑也

對曰臣聞國君服寵以為美

服寵謂以賢受

寵服是為美也

安民以為樂聽德以為聰致遠以為明不聞其

以土木之崇高彤鏤為美

彤謂丹楹鏤謂刻楠○彤大冬切

而以金石

匏竹之昌大噐庶為樂

金鐘也石磬也匏笙也竹簫也昌盛也噐華也庶衆也

不

聞其以觀大視侈淫色以為明而以察清濁為聰也

清濁

宮羽也先君莊王為匏居之臺

匏居臺名高不過望國氛

氛氣也

大不過容宴豆

言宴有折俎
邊豆之陳

木不妨守備

不妨城郭用
守備之材

不煩官府

財用不
出府藏

民不廢時務官不易朝常問誰宴焉

則宋公鄭伯問誰相禮則華元駟駢

相相導也華元宋
卿華御事之子右

臣廷敬曰外傳
之文類以繁縟
為勝若此篇之
條暢宏整已標
西京之準的矣

師元也駢鄭穆
公之子子駟也

問誰贊事則陳侯蔡侯許男頓子其大

夫侍之先君是以除亂克敵而無惡于諸侯今君為此

臺也國民罷焉財用盡焉年穀敗焉百官煩焉舉國留

之

留治
也

數年乃成願得諸侯與始升焉諸侯皆距無有

至者而後使大宰啟疆請於魯侯

啟疆楚卿遠子也魯
侯昭公也事在昭七

臣鴻緒曰通篇
即從美字說入
反覆數論名言
如屑至布局春
容鍊字華整有
鳴鶴佩玉之象

年懼之以蜀之役

蜀魯地公子嬰齊帥師
侵魯至蜀在魯成二年

而僅得以來

使富都那豎贊焉

富富于容貌都開也那美也豎
未冠者也言取美好不尚德也

而使

長鬣之士相焉

長鬣美須顙也
鬣力輒切

臣不知其美也夫美也

者上下外内小大遠爾皆無害焉故曰美若於目觀則

美縮於財用則匱

縮取也

是聚民利以自封而濟民也胡

美之為夫君國者將民之與處民實濟矣君安得肥且

夫私欲弘侈則德義鮮少德義不行則邇者騷離而遠

者距違天子之貴也唯其以公侯為官正而以伯子男

為師旅其有美名也唯其施令德於遠近而小大安之

也若斂民利以成其私欲使民蒿焉忘其安樂而有遠

心其為惡也甚矣安用目觀故先王之為臺榭也積土曰臺

無室榭不過講軍實講習也軍實戎士也臺不過望氛祥凶氣為氣吉氣

為故榭度於大卒之居大卒王士卒也度謂足以臨見之臺度於臨觀

之高足以臨下觀上使屋榭不蔽目明而已其所不奪牆地其為不匱財

用其事不煩官業其日不廢時務瘠磽之地于是乎為

之磽口城守之木于是乎用之城守之餘然後用之官寮之暇于

是乎臨之四時之隙于是乎成之故周詩曰經始靈臺
經之營之庶民攻之不日成之經始勿亟庶民子來王
在靈囿麀鹿攸伏大雅靈臺篇夫為臺榭將以教民利也不
知其以匱之也若君謂此臺美而為之正以為得事之正楚其
殆矣

左史倚相廷見申公子亶

左史倚相廷見申公子亶

倚相楚左史也子亶楚申公史老也

子亶不出

左史謗之舉伯以告

舉伯楚大夫

子亶怒而出曰女無亦謂

聞倚相之言惕然
而懼子亶可謂能
受善矣

水心葉適曰左史倚相舉衛武公語當是時未育生老病死入士大夫之心不以聰明寄之佛老為善者有全力故多歲材宜哉凡人狂不自定老而自逸孔子稱君子有三戒亦是以末世

我老耄而舍我而又謗我左史曰唯子老耄故欲見以

交儆子若子方壯能經營百事倚相將奔走承序

承受理業

次序

於是不給而何暇得見昔衛武公年數九十有五

矣

武公衛僖公之子共伯之弟武公和也

猶箴儆於國曰自卿以下至於

師長士

師長大夫士衆士也

苟在朝者無謂我老耄而舍我必恭

恪于朝朝夕以交戒我聞一二之言必誦志而納之以

訓道我在輿有旅賁之規

規規諫也旅賁勇力之士掌執戈楯夾車而趨車止則持

輪位宁有官師之典

中庭之左右謂之位門屏之間謂之宁師長也典常也

倚几

人材言之若周
之道俗未寔則
不然也

臣德宜曰功如
齊桓而諸侯叛
其晚節賢如趙
孟而劉子譏其
虎年左史以衛
武交傲而子疊
懼亦勇於知非
者也

有誦訓之諫

誦訓工師所誦之
諫書之于几也

居寢有瞽御之箴

瞽近也○

音臨事有瞽史之道

事戎祀也瞽樂大師掌詔
吉凶史大史也掌詔禮事

宴居有

師工之誦

師樂師工瞽矇
也誦謂箴諫也

史不失書矇不失誦以訓御

之

御進也

于是乎作懿戒以自儆也

懿詩大雅
抑之篇

及其沒也

謂之獻聖武公子實不獻聖于倚相何害周書曰文王

至于日中昃不遑暇食惠于小民唯政之恭

無逸篇日
昃曰昃

文王猶不敢惰今子老楚國而欲自安也以禦數者王

將何為

禦止也數者謂箴戒誹謗也
為人臣尚如此王將復何為

若常如此楚其難

哉子亶懼曰老之過也

老子亶名也

乃驟見左史

靈王虐白公子張驟諫

靈王虐白公子張驟諫王患之謂史老曰吾欲已子張

之諫若何

史老子亶

對曰用之實難已之易矣若諫君則曰

余左執鬼中右執殤宮

中身也禮曰其中退然天死曰殤殤宮殤之居也執謂把其錄

籍制服其身知其居處

凡百箴諫吾盡聞之矣寧聞它言白公又

諫王如史老之言對曰昔殷武丁能聳其德至於神明

武丁高宗也聳敬也

以入於河

遷于河內

自河徂亳

從河內往都亳也

于是乎

近臣諫遠臣謗興人誦用以自詰三代盛王所由隆也靈王以規為瑱禍及乾寤宜哉

三年默以思道卿士患之曰王言以出令也若不言是
無所稟令也武丁于是作書曰以余正四方余恐德之
不類茲故不言如是而又使以象夢求四方之賢聖得
傳說以來升以為公而使朝夕規諫曰若金用女作礪
若津水用女作舟若大旱用女作霖雨啟乃心沃朕心
若藥不瞑眩厥疾不瘳若跣不視地厥足用傷商書說
命篇
若武丁之神明也其聖之叡廣也其知之不疚也猶自
謂未乂故三年默以思道既得道猶不敢專制使以象

水心葉適曰說
命當與白公子
張語並看又言
既得道得道必
有物故孔子亦
言朝聞道楚本
以詐力得國而
其人材見識所
造如此非齊晉
之淺陋所能及
也

旁求聖人既得以為輔又恐其荒失遺忘故使朝夕規

誨箴諫曰必交修余無余棄也今君或者未及武丁而

惡規諫者不亦難乎齊桓晉文皆非嗣也非嫡嗣也還軫諸

侯不敢淫逸心類德音以得有國類善也近臣諫遠臣謗

輿人誦以自誥也是以其入也四封不備一同備滿也地方百

里曰而至于有畿田方千里曰畿以屬諸侯屬會也至于今為

令君桓文皆然君不度憂于二令君而欲自逸也無乃

不可乎周詩有之曰弗躬弗親庶民弗信詩小雅節南山篇臣

臣正治曰用之
實難已之易矣
二語極其諫切
末又以規為瑱
諧而善入

積實蓄怨語皆切
聲動可為當官之

懼民之不信君也故不敢不言不然何急其以言取辜
也王病之曰子復語不穀雖不能用吾愁寘之於耳猶
願也寘置也○愁對曰賴君之用也故言不然已浦之
犀聲兒象其可盡乎其又以規為瑱也犀聲牛也規諫也瑱所以塞耳
也言四獸之牙角可以為瑱難盡也而又以規諫
規諫為之乎已浦地名或曰已已郡浦合浦遂趨而退
歸杜門不出七月乃有乾谿之亂靈王死之

鬬且廷見令尹子常

鬬且廷見令尹子常

子常子囊之孫囊瓦也○且子余切

子常與之語問

蓄貨聚馬歸以語其弟曰楚其亡乎不然令尹其不免

乎吾見令尹令尹問蓄聚積實如餓豺狼焉殆必亡者

也夫古者聚貨不妨民衣食之利聚馬不害民之財用

國馬足以行軍

國馬民馬也十六井為丘有戎馬一疋牛三頭足以行軍也

公馬足

以稱賦

公馬公之戎馬也稱舉也賦兵賦也

不是過也公貨足以賓獻

賓饗

贈也獻貢也

家貨足以共用不是過也夫貨馬郵則關於民

郵過也闕缺也

民多闕則有離畔之心將何以封矣

封封國也昔闕

子文三舍令尹

子文闕伯比之子於菟也舍去也

無一日之積恤民之

臣英曰昔人以
貴而能貧為賢
諸葛武侯自言
有薄田以給衣
食不使內有餘
帛外有贏財以
負陛下正與文
子同一卓見

故也成王聞子文之朝不及夕也

成王楚文王之子顧也

於是乎

每朝設脯一束糗一筐以羞子文

糗寒粥也羞進也○糗去久切

至于

今令尹秩之

秩常也

成王每出子文之祿必逃王止而後

復人謂子文曰人生求富而子逃之何也對曰夫從政

者以庇民也民多曠者而我取富焉是勤民以自封也

死無日矣我逃死非逃富也故莊王之世滅若敖氏唯

子文之後在至于今處鄖為楚良臣

莊王成王孫也若敖氏子文之族也

魯宣四年莊王滅若敖氏之族子文之孫蒧尹克黃使
于齊還而自拘于司敗王思子文之治楚也曰子文無

後何以勸善使復其所其是不先恤民而後已之富乎
子孫當昭王時為郕公

今子常先大夫之後也先大夫子囊也而相楚君無令名於四

方民之羸餒日日已甚餒奴罪切四境盈壘道殣相望盜賊

司目民無所放是之不恤而蓄聚不厭其速怨於民多

矣積貨滋多蓄怨滋厚不亡何待夫民心之愠也若防

大川焉潰而所犯必大矣子常其能賢於成靈乎成不

禮於穆願食熊蹯不獲而死成成王穆王商臣之父也欲黜商臣而立其弟職商

臣圍成王王請食熊蹯而死靈王不顧於民一國棄之如

臣士奇曰闕且
之言危而中足
微官邪

春秋使臣皆極一時賢士大夫之選故對揚鄰國恒不辱命

遺迹焉子常為政而無禮不顧甚於成靈其獨何力以

待之期年乃有柏舉之戰子常奔鄭昭王奔隨

柏舉楚地

王孫圉聘于晉

王孫圉聘于晉定公饗之趙簡子鳴玉以相

定公晉頃公之子午

也簡子趙鞅也鳴玉鳴其佩玉以相禮

問於王孫圉曰楚之白珩猶在乎

珩佩上之橫者○珩音行

對曰然簡子曰其為寶也幾何矣曰未嘗

為寶楚之所寶者曰觀射父能作訓辭以行事於諸侯使無以寡君為口實又有左史倚相能道訓典以敘百

伯厚王應麟曰
周之大寶鎮河
圖大訓列焉易
象在魯三墳五
典在楚周不能
有其寶矣然而
老聃之禮長弘
之樂文獻猶存
及王子朝以典
籍奔楚于是觀
射父倚相皆誦
古訓以華其國
以得典籍故也
區區一鼎與懷

物以朝夕獻善敗於寡君使寡君無忘先王之業又能

上下說乎鬼神順道其欲惡使神無有怨痛於楚國又

有數曰雲連徒洲金木竹箭之所生也

楚有雲夢藪澤也連屬也水中

之可居曰洲

龜珠齒角皮革羽毛所以備賦用以戒不

虞者也

龜所以備吉凶珠所以禦火災角所以為弓弩齒象齒所以為弭皮虎豹皮所以為茵韃革犀

兕也所以為甲冑羽鳥羽也所以注竿首

所以共幣帛以賓享於

諸侯者也若諸侯之好幣具而導之以訓辭有不虞之

備而皇神相之

能媚神故皇神相之皇大也

寡君其可以免罪於諸

歷同其能國乎

臣乾學曰書稱
不貴異物所寶
惟賢晉臣言山
澤林監國之寶
蓋亦古訓也持
論絕有根據直
與度禽國僞爭
坐矣

越君臣之陰謀全
在廣侈吳王之心

侯而國民保焉此楚國之寶也若夫白珩先王之玩也

何寶焉圍聞國之寶六而已聖能制議百物以輔相國

家則寶之玉足以庇蔭嘉穀使無水旱之災則寶之

玉祭

祀之龜足以憲臧不則寶之珠足以禦火災則寶之金

足以禦兵亂則寶之山林數澤足以備財用則寶之若

夫譁囂之美

譁囂猶謹說謂
若鳴玉以相

楚雖蠻夷不能寶也

吳王夫差起師伐越

吳語

吳王夫差起師伐越越王句踐起師逆之江

夫差泰伯
後闔廬子

一語麋鹿遊姑蘇者以此

臣楚曰種之獻謀已足治吳行成之言甘而易入越之勝只在子也一忍似得之老子也

姬姓也句踐祝融後允常子芊姓也○句居侯切

大夫種乃獻謀曰夫吳之與

越唯天所授王其無庸戰夫申胥華登簡服吳國之士

於甲兵而未嘗有所挫也

申胥楚大夫伍奢子子胥也名負魯昭二十年奢誅于楚

負奔吳吳與之申地故曰申胥華登宋司馬華費遂之子華氏作亂敗登奔吳

夫一人善射百

夫決拾

決鉤弦也拾捍也

勝未可成夫謀必素見成事焉而後

履之不可以授命

授命猶闕命也

王不如設戎約辭行成以喜

其民

戎兵也約卑也成平也言設兵自守卑約其辭以求平于吳

以廣侈吳王之心

吾以下之于天天若棄吳必許吾成而不吾足也將必

臣叔元曰大夫
種之謀能玩吳
於股掌之上者
知夫差有多心
而可以辭誘也
不然雖有百種

寬然有伯諸侯之心焉既罷弊其民而天奪之食安受

其燼乃無有命矣

吳無復有天命矣

越王許諾乃命諸稽郢行

成於吳曰寡君句踐使下臣郢不敢顯然布幣行禮敢

私告于下執事曰昔者越國見禍得罪於天王

見禍于天得罪

謂傷闔廬也言天王尊之以名

天王親趨玉趾以心孤句踐

孤棄也

而又

宥赦之君王之於越也繫起死人而肉白骨也

繫是孤也

不敢忘天災其敢忘君王之大賜乎今句踐申禍無良

草鄙之人敢忘天王之大德而思邊垂之小怨以重得

罪于下執事句踐用帥二三之老親委重罪頓顙於邊

今君王不察盛怒屬兵將殘伐越國越國固貢獻之邑

也君王不以鞭箠使之而辱軍士使寇令焉句踐請盟

一介嫡女執箕箒以眩姓於王宮

一介一人眩備也姓庶姓也曲禮曰納女

于天子曰備百姓。介

拜切一作介眩音該一介嫡男奉槃匱以隨諸御

槃承

盥器也晉語曰奉匱沃盥御近臣

官豎之屬。槃音盤匱弋支切春秋貢獻不解于王

府天王豈辱裁之

豈能辱意裁制之

亦征諸侯之禮也

征稅也亦天子

征稅諸侯之禮

夫諺曰狐狸之而狐搢之是以無成功

埋藏也搢發也

申胥事前之言洞
若觀火吳越之興
亡決矣固不待鳩
夷投江時也

○捐告骨切今天王既封殖越國以明聞於天下而又刈亡

之是天王之無成勞也雖四方之諸侯則何實以事吳
敢使下臣盡辭唯天王秉利度義焉

吳王夫差告諸大夫

吳王夫差乃告諸大夫曰孤將有大志於齊欲伐齊也吾將

許越成而無拂吾慮若越既改吾又何求若其不改反

行吾振旅焉伐齊反振旅而討之申胥諫曰不可許也夫越非實

中心好吳也又非懼畏吾甲兵之彊也大夫種勇而善

少春穆文熙曰
申胥論越之禍
歷歷如在掌上
讀之令千古動
色何夫差之貪
功玩禍拒而不
聽以至於滅亡
也最哉
臣廷敬曰凡種
蠱之密謀子胥
已的見其隱英
雄料事針鋒相
對可畏哉其功
之成與不成則
用舍之異也

謀將還玩吳國於股掌之上以得其志夫固知君王之

蓋威以好勝也

蓋猶尚也

故婉約其辭以從逸王志使淫樂

於諸夏之國以自傷也使吾甲兵鈍弊民人離落而日

以憔悴然後安受吾燼夫越王好信以愛民四方歸之

年穀時孰日長炎炎及吾猶可以戰也為虺弗推為蛇

將若何

虺小蛇大也
○虺許鬼切

吳王曰大夫奚隆於越越曾足以

為大虞乎若無越則吾何以春秋曜吾軍士乃許之成

將盟越王又使諸稽郢辭曰以盟為有益乎前盟口血

吳之申胥楚之范
蠡老謀不用屈志
以死千古同慨

未乾足以結信矣以盟為無益乎君王舍甲兵之威以
臨使之而胡重於鬼神而自輕也吳王乃許之荒成不
盟

荒空也

吳王還自伐齊

吳王還自伐齊

吳敗齊艾陵魯哀十一年

乃訊申胥

訊告讓也

曰昔吾先

王體德聖明達於上帝

先王闔廬也

譬如農夫作耦以刈殺

四方之蓬蒿

二耦為耦言子胥佐先王

以立名于荆是則大夫之力

也今大夫老而又不自安恬逸而處以念惡

處居也居則念為惡

西山真德秀曰
申胥之言可謂
忠矣夫差既不
之聽又從而殘
之不二十年吳
國遂墟古稱殺
諫臣者必亡其
國豈不信哉

于吳

出則罪吾衆

罪吾衆謂吳民離
矣體有所傾之屬

撓亂百度以妖孽

吳國今天降衷於吳

衷善也

齊師受服孤豈敢自多先王

之鐘鼓實式靈之敢告於大夫申胥釋劔而對曰昔吾

先王世有輔弼之臣以能遂疑計惡

遂決也
計慮也

以不陷于

大難今王播棄黎老

黎凍梨
壽徵也

而孩童焉比謀曰余令而

不違夫不違乃違也夫不違亡之階也夫天之所棄必

驟近其小喜而遠其大憂王若不得志於齊而以覺悟

王心吳國猶世吾先君之得之也必有以取之

得謂克
楚也傳

臣杜訥曰忠懇
之心激為讜論
至今讀之猶見
當時情事

曰闔廬食不二味勤恤其民取之謂此也

其亡之也必有以棄之

亡之謂不正其師以

班處宮復為楚所敗也

用能援持盈以歿而驟救傾以時今王無

以取之

言無政德

而天祿亟至是吳命之短也負不忍稱疾

辟易以見王之親為越之禽也負請先死

辟易狂疾○辟撤必切易

切以致將死曰而縣吾目於東門以見越之入吳國之亡

也遂自殺王愠曰孤不使大夫得有見也乃使取申胥

之尸盛以鵠夷而投之于江

鵠夷革囊

吳王夫差還自黃池

陰謀猛鷲君臣夫婦致死一心積之二十年吳安得不亡記者歸美之於下君臣集衆謀自以也夫

吳王夫差還自黃池

會黃池魯哀十三年

息民不戒越大夫種乃

倡謀曰吾謂吳王將遂涉吾地今罷師而不戒以忘我

我不可以怠也日臣嘗卜於天今吳民既罷而大荒荐

饑市無赤米

赤米米之惡者

而困鹿空虛

員曰困方曰鹿○困渠隕切鹿通作麓

其民必移就蒲贏于東海之濱

蒲深蒲也贏蚌蛤之屬○贏落戈切亦作螺

天占既兆人事又見我蔑卜筮矣王若今起師以會奪

之利無使失悛夫吳之邊鄙遠者罷而未至吳王將恥

不戰必不須至之會也

不待遠兵

而以中國之師與我戰若

事幸而從我我遂踐其地其至者亦將不能之會也已

言吳邊鄙雖來將不能會戰

吾用禦兒臨之

禦兒越北鄙在今嘉興言吳邊兵若至吾以禦

兒之民臨敵之

吳王若愠而又戰幸遂可出

使出奔

若不戰而結

成王安厚取名而去之越王曰善哉乃大戒師將伐吳

楚申包胥使于越

申包胥楚大夫王孫包胥也

越王句踐問焉曰吳

國為不道求殘我社稷宗廟以為平原弗使血食吾欲

與之徼天之衷唯是車馬兵甲卒伍既具無以行之

猶行

也請問戰奚以而可包胥辭曰不知王固問焉乃對曰

夫吳良國也能博取于諸侯

取貢賦也

敢問君王之所以與

之戰者王曰在孤之側者觴酒豆肉簞食未嘗敢不分

也飲食不致味聽樂不盡聲求以報吳願以此戰包胥

曰善則善矣未可以戰也王曰越國之中疾者吾問之

死者吾葬之老其老慈其幼長其孤問其病求以報吳

願以此戰包胥曰善則善矣未可以戰也王曰越國之

中吾寬民以子之忠惠以善之吾修令寬刑施民所欲

去民所惡稱其善掩其惡求以報吳願以此戰包胥曰

臣正治曰申包胥非直存楚并能復楚之仇真人傑也歷敘勾踐事嘗膽深心千秋如見

善則善矣未可以戰也王曰越國之中富者吾安之貧

者吾予之救其不足裁其有餘使貧富皆利之求以報

吳願以此戰包胥曰善則善矣未可以戰也王曰越國

南則楚西則晉北則齊春秋皮幣玉帛子女以賓服焉

未嘗敢絕求以報吳願以此戰包胥曰善哉蔑以加焉

然猶未可以戰也夫戰知為始仁次之勇次之不知則

不知民之極

極中也

無以銓度天下之衆寡

銓稱也

不仁則

不能與三軍共饑勞之殃不勇則不能斷疑以發大計

越王曰諾越王句踐乃召五大夫

五大夫舌庸苦成大夫種范蠡皐如之屬

曰吳為不道求殘吾社稷宗廟以為平原不使血食吾

欲與之徼天之衷唯是車馬甲兵卒伍既具無以行之

吾問于王孫包胥既命孤矣敢訪諸大夫問戰奚以而

可句踐願諸大夫言之皆以情告無阿孤孤將以舉大

事大夫舌庸乃進對曰審賞則可以戰乎王曰聖

審賞

失勞聖大夫苦成進對曰審罰則可以戰乎王曰猛

能

則嚴

大夫種進對曰審物則可以戰乎王曰辨

物旌旗物色徽

少春穆文熙曰五臣之言雖不同不過賞罰備禦旗鼓進退而已特其語意精微人莫之知唯習於兵機者可與談也

幟之屬
辨別也

大夫蠡進對曰審備則可以戰乎王曰巧

備守禦之

備巧審密不

可攻入也大夫臯如進對曰審聲則可以戰乎王曰

可矣

聲謂鐘鼓進退之節聲不審則衆惑也

王乃命有司大令于國曰苟

任戎者皆造于國門之外王乃令于國曰國人欲告者

來告

告者謂有善計策及職事所當陳白者

告孤不審將為戮不利過及

五日必審之

使孰思計之也

過五日道將不行

道術也過五日則晚矣軍當出

也故術

王乃入命夫人王背屏而立夫人向屏

屏寢門內屏也

王曰自今日以後內政無出外政無入內有辱是子也

臣廷敬曰此傳叙越國君臣謀議與誓令之辭戰伐之狀一如繪真千古絕調後來惟龍門可以髣髴餘史莫能繼武矣

臣鴻緒曰越能
順用民心而不
盡其力二十年
生聚教訓以乘
既疲之吳吳安
得不亡篇中敘
次紀律精嚴令
人讀之氣旺史
遷項籍等傳從
此得來

外有辱是我也我見子于此止矣王遂出夫人送王不

出屏乃闔左闔填之以土去筭側席而坐不埽王背檐

而立大夫向檐

檐與
簷同

王命大夫曰食土不均地之不修

內有辱于國是子也軍士不死外有辱是我也自今日

以後內政無出外政無入

內國政外
軍政也

吾見子於此止矣

王遂出大夫送王不出檐乃闔左闔填之以土側席而

坐不埽王乃之壇列鼓而行之至于軍斬有罪者以徇

曰莫如此以環填通相問也

環金玉之環填塞耳問
遺也通行賂以亂軍

明

臣英曰越之報
吳全以氣勝之
其大要在於恤
民以自強彼瑕
者不攻而自摧
矣

日從舍斬有罪者以徇曰莫如此不從其伍之令明日
從舍斬有罪者以徇曰莫如此不用王命明日從舍至
于禦兒斬有罪者以徇曰莫如此淫逸不可禁也王乃
命有司大徇于軍曰有父母者老而無昆弟者以告王
親命之曰我有大事子有父母者老而子為我死子之
父母將轉于溝壑子為我禮已重矣子歸沒而父母之
世後若有事吾與子圖之明日徇于軍曰有兄弟四五
人皆在此者以告王親命之曰我有大事子有昆弟四

臣乾學曰懸測
事機及於數變
之後言簡而意
盡

五人皆在此事若不捷則是盡也擇子之所欲歸者一

人明日徇于軍曰有眩瞽之疾者告王親命之曰我有

大事子有眩瞽之疾其歸若已後若有事吾與子圖之

明日徇于軍曰筋力不足以勝甲兵志行不足以聽命

者歸莫告明日遷軍接餼

上下皆餼也

斬有罪者以徇曰莫

如此志行不果於是人有致死之心王乃命有司大徇

于軍曰謂二三子歸而不歸處而不處

處止也

進而不進

退而不退左而不左右而不右身斬妻子鬻於是吳王

臣楚曰越之舉
師多謀多懼矣
雖有雲荼之衆
夫豈能敵

起師軍于江北

江松江去吳五十里

越王軍于江南越王乃中分

其師以為左右軍

傳曰越子伐吳吳子禦之笠澤夾水而陣在魯哀十七年

以其私

卒君子六千人以為中軍

私卒君子王所親近有志行者猶吳所謂賢良齊所謂士

也明日將舟戰于江及昏乃令左軍銜枚泝江五里以

須

須須後命也

亦令右軍銜枚踰江五里以須夜中乃令左

軍右軍涉江鳴鼓中水以須

夜中夜半也中水水中央

吳師聞之大

駭曰越人分為二師將以夾攻吾師乃不待旦亦中分

其師將以禦越越王乃令其中軍銜枚潛涉不鼓不譟

臣士奇曰越之
沼吳其機密其
情詭其痛深痛
中寫來沉着生
動

臣叔元曰越生
聚教訓能用民

以襲攻之吳師大北越之左軍右軍乃遂涉而從之又

大敗之于沒

名沒地

又郊敗之三戰三北

三戰笠澤也沒也郊也

乃

至于吳越師遂入吳國圍王宮

王宮姑蘇

吳王懼使人行成

曰昔不穀先委制于越君

不言越委制于吳謙而反之也

君告孤請成

男女服從孤無奈越之先君何

言越先君與吳修好

畏天之不祥

不敢絕祀許君成以至於今今孤不道得罪於君王君

王以親辱於孤之敝邑孤敢請成男女服為臣御越王

曰昔天以越賜吳而吳不受今天以吳賜越孤敢不聽

之心而不盡其力所以制勝若嘗膽卧薪左闔填土皆積怨憤者之為不足道也

天之命而聽君之令乎乃不許成因使人告于吳王曰

天以吳賜越孤不敢不受以民生之不長王其無死民

生于地上寓也其與幾何言幾何時寡人其達王于角句東

達致也角句東句章東海口外洲也夫婦三百唯王所安以沒王年夫差

辭曰天既降禍於吳國不在前後當孤之身實失宗廟

社稷凡吳土地人民越既有之矣孤何以視於天下夫

差將死使人說於子胥曰說告也使死者無知則已矣若

其有知吾何面目以見負也遂自殺越滅吳在魯哀二十二年冬

十一月十一上征上國

上國中
國也

宋鄭魯衛陳蔡執玉之君皆入

朝

玉珪
璧也

夫唯能下其羣臣以集其謀故也

言下其羣臣
以明吳不用

子胥
之禍

越王句踐即位三年而欲伐吳

越語

越王句踐即位三年

魯哀
元年

而欲伐吳范蠡進諫曰夫國

家之事有持盈有定傾有節事王曰為三者奈何范蠡

對曰持盈者與天

法天
也

定傾者與人

取人
之心也

節事者與

地

節事修政也
與地法地也

王不問蠡不敢言天道盈而不溢盛而

敬怠之分治忽所
由闢也無時不敬
則可以久安長治
句踐不能敬之於
始既危而後懼隱
忍圖功僅乃獲濟
亦幸矣哉

不驕勞而不矜其功夫聖人隨時以行是謂守時天時

不作弗為人客人事不起弗為之始今君王未盈而溢

未盛而驕不勞而矜其功天時不作而先為人客人事

不起而創為之始此逆於天而不和於人王若行之將

妨於國家靡王躬身

靡損也

王弗聽范蠡進諫曰夫勇者

逆德也兵者凶器也爭者事之末也陰謀逆德好用凶

器始於人者人之所卒也

始以伐人終害之

淫逸之事上帝之

禁也先行此者不利王曰無是貳言也吾已斷之矣果

興師而伐吳戰於五湖不勝棲於會稽王召范蠡而問
焉曰吾不用子之言以至於此為之奈何范蠡對曰君
王其忘之乎持盈者與天定傾者與人節事者與地王
曰與人奈何范蠡對曰卑辭尊禮玩好女樂尊之以王
如此不已又身與之市王曰諾乃令大夫種行成於吳
曰請士女女於士大夫女女於大夫隨之以國家之重
器吳人不許大夫種來而復往曰請委管籥屬國家以
身隨之君王制之吳人許諾王曰蠡為我守於國范蠡

止齋陳傳之曰
范蠡之諫可謂
切直而勾踐不
從乃有會稽之
敗後克成伯
業者所謂人恒
過而能改者也

對曰四封之內百姓之事蠡不如種也四封之外敵國
之制立斷之事種亦不如蠡也王曰諾令大夫種守於
國與范蠡入宦於吳三年而吳人遣之歸反至於國王
問於范蠡曰節事奈何范蠡對曰節事者與地唯地能
包萬物以為一其事不失生萬物容畜禽獸然後受其
名而兼其利美惡皆成以養生時不至不可彊生事不
究不可彊成自若以處以度天下待其來者而正之因
時之所宜而定之同男女之功

農穡絲
枲之功

除民之害以避

天殃田野開闢府倉實民衆殷無曠其衆以為亂梯時
將有反事將有間必有以知天地之恒制乃可以有天
下之成利事無間時無反則撫民保教以須之王曰不
穀之國家蠱之國家也蠱其圖之范蠱對曰四封之內
百姓之事時節三樂三時之樂使勸事樂業不亂民功不及天時
五穀稔孰稔和也民乃蕃滋君臣上下交得其志蠱不如
種也四封之外敵國之制立斷之事因陰陽之恒順天
地之常柔而不屈強而不剛德虐之行因以為常死生

臣熙曰勾踐君
臣股憂動忍之
意讀之令人神
悚若夫分任種
蟲生聚教訓則
幾於古恭儉之
主能無勝乎

因天地之刑天因人聖人因天人自生之天地形之聖
人因而成之是故戰勝不報取地而不反兵勝於外福
生於內用力甚少而名聲章明種亦不如蟲也王曰諾
令大夫種為之四年反國四年
魯哀九年王召范蠡而問焉曰先
人就世不穀即位五年既少未有恒常出則禽荒入則
酒荒吾百姓之不圖惟舟與車好游
田上天降禍於越委
制於吳吳人之那不穀亦有甚焉吾欲與子謀之其可
乎范蠡對曰未可也蠡聞之上帝不考時反是守彊索

者不祥得時不成反受其殃失德滅名不死亡有奪
有予有不予王無蚤圖夫吳君王之吳也王若蚤圖之
其事又將未可知也王曰諾又一年王召范蠡而問曰
吾與子謀吳子曰未可也今吳王淫於樂而忘其百姓
亂民功逆天時信讒喜優憎輔遠弼聖人不出忠臣解
骨皆曲相御莫適相非上下相偷其可乎范蠡對曰人
事至矣天應未也王姑待之王曰諾又一年王召范蠡
而問焉曰吾與子謀吳子曰未可也今申胥驟諫其王

臣乾學曰少伯之謀雖合天道亦主於自全而已使黃池之役不舉亦豈能遂入吳之國都乎要之天道即在人事中子所以

王怒而殺之其可乎

子胥數諫王不聽知吳必亡使於齊屬其子於鮑氏王聞之賜之屬

鏤以死

范蠡對曰逆節萌生天地未形而先為之征其事

是以不成雜受其刑王姑待之王曰諾又一年王召范蠡而問焉曰吾與子謀吳子曰未可也今其稻蟹不遺種其可乎范蠡對曰天應至矣人事未盡也王姑待之王怒曰道固然乎妄其欺不穀耶吾與子言人事子應吾以天時今天時至矣子應吾以人事何也范蠡對曰王姑勿怪夫人事必將與天地相參然後乃可以成功

今其禍新民恐其君臣上下皆知其資財之不足以支
長久也彼將同其力致其死猶尚殆王其且馳騁弋獵
無至禽荒宮中之樂無至酒荒肆與大夫觴飲無忘國
常彼其上將薄其德民將盡其力又使之望而不得食
乃可以致天地之殛王姑待之至於亥月九月為亥魯哀十六年之
九月王召范蠡而問焉曰諺有之曰觥飯不及壺飧觥大也觥
飯謂盛饌今歲晚矣子將奈何范蠡對曰微君王之言臣固
將謁之臣聞從時者猶救火追亡人也蹶而趨之唯恐

臣士奇曰持盈
之天節事之地
定傾之人三者
要之相資為用
也少伯之言合
乎道術而未免

弗及王曰諾遂興師伐吳至於五湖吳人聞之出挑戰
一日五反王弗忍欲許之范蠡進諫曰謀之廊廟失之
中原其可乎王姑勿許臣聞之得時無怠時不再來天
與不取反為之災嬴縮轉化後將悔之天節固然唯謀
不遷王曰諾弗許范蠡曰臣聞古之善用兵者嬴縮以
為常四時以為紀無過天極究數而止天道皇皇日月
以為常明者以為法微者則是行微謂虧損薄食陽至而陰陰
至而陽日困而還月盈而匡困窮也匡虧也古之善用兵者因

闢入兵謀亦迫
於時之窮耳

天地之常與之俱行後則用陰先則用陽近則用柔遠

則用剛後無陰蔽先無陽察

後動者泰舒靜為陰蔽先動者泰顯露為陽察

用

人無藝往從其所

藝設也

剛強以禦陽節不盡不死其野

彼來從我固守勿與

戰勿與

若將與之必因天地之災又

觀其民之饑飽勞逸以參之盡其陽節盈我陰節而奪

之宜為人客剛強而力疾陽節不盡輕而不可取

於時宜為

人客雖輕易人猶不可得取

宜為人主安徐而重固陰節不盡柔而

不可迫

於時宜為人主雖柔不可困迫

凡陳之道設右以為北益左以

為牡陳有北牡使相受在陰為北在陽為牡蚤晏無失必順天道周旋無

究今其來也剛強而力疾王姑待之王曰諾弗與戰居

軍三年吳師自潰吳王帥其賢良與其重祿賢良謂大夫重祿謂

寶貨○帥音率以上姑蘇使王孫雄行成於越曰昔者上天降

禍於吳得罪於會稽今君王其圖不穀請復會稽之和

王弗忍欲許之范蠡進諫曰臣聞之聖人之功時為之

庸得時弗成天有還形天節不遠五年復反節期也五歲再閏天

數一小凶則近大凶則遠先人有言曰伐柯者其則不

臣杜訥曰少伯
智沉勇深其為

越乘臺榭無遺
憾矣著論與博
精嚴可作子書
一則

遠今君王不斷其忘會稽之事乎王曰諾不許使者往
而復來辭愈卑禮愈尊王又欲許之范蠡諫曰孰使我
蚤朝晏罷者非吳乎與我爭三江五湖之利者非吳耶
夫十年謀之一朝而棄之其可乎王姑勿許其事將易
翼已王曰吾欲勿許而難對其使者子其對之范蠡乃
左提鼓右援枹以應使者曰昔者上天降禍於越委制
於吳而吳不受今將反此義以報此禍吾王敢無聽天
之命而聽君王之命乎王孫雄曰子范子先人有言曰

無助天為虐助天為虐者不祥今吾稻蟹不遺種子將

助天為虐不忌其不祥乎范蠡曰王孫子昔吾先君固

周室之不成子也

周禮子爵國二百里

故濱於東海之陂黿鼉魚

鼈之與處而鼃黽之與同渚

水邊曰渚

余雖覲然而人面哉

吾猶禽獸也又安知是諛諛者乎

諛諛巧辨之言

王孫雄曰子

范子將助天為虐助天為虐不祥雄請反辭於王范蠡

曰君王已委制於執事之人矣子往矣無使執事之人

得罪於子使者辭反范蠡不報於王擊鼓興師以隨使

者至於姑蘇之宮不傷越民遂滅吳反至五湖范蠡辭
於王曰君王勉之臣不復入於越國矣王曰不穀疑子
之所謂者何也范蠡對曰臣聞之為人臣者君憂臣勞
君辱臣死昔者君王辱於會稽臣所以不死者為此事
也今事已濟矣蠡請從會稽之罰王曰所不掩子之惡
揚子之美者無終沒於越國子聽吾言與子分國不聽
吾言身死妻子為戮范蠡對曰臣聞命矣君行制臣行
意遂乘輕舟以浮於五湖莫知其所終極王命工以良

金寫范蠡之狀而朝禮之浹日而令大夫朝之

浹帀也自甲至

癸為帀環會稽三百里者以為范蠡地曰後世子孫有敢

侵范蠡之地者使無終沒於越國皇天后土四鄉地主

正之

按國語二十二卷與傳相表裏發明而非以釋經也故謂之外傳其文深闕傑異傳吳越事尤奇峻

而宋衛秦之紀缺如故識者疑焉觀其詞間多繁蕪蔓衍亦畧類諸子之書今擇其精者若干篇以輔內傳而存之然而春秋之文止此矣一變而為戰國縱橫險譎而三代之制作遂不可復見矣此文章正變之會所宜深思也

御選古文淵鑒卷六